



00002

左
海
詩
鈔

卷之...



題詞

才力雄大各體皆足以勝時輩友朋視彼選才貌李
長吉者高百萬層大興翁方綱覃溪

月蟻天犀金膏水碧毀襲數重尚有波斯胡望氣而
至仁和馬履泰秋藥

五言古頓宕淋漓神采百倍七言古古色高議相輔
而行老筆紛披愈轉愈健用蘇韻便似蘇可謂色色
皆精門門入勝 劉公鼐謂七律如強弓硬弩古來
開到十分滿者無幾人吾恭甫真能十二分滿矣世
有知言者必不河漢吾言 嘉應宋湘並沅

體大物博氣能舉詞欵吳嘉山尊

五言古思力沈厚皆出少陵七言古造語奇嚴結體
謹嚴論事有斷制下筆有鋒芒跌宕挫風力彌道
嘗以八音論詩謂金石絲竹者多斲土革木者少蓋
清雄易妙而沈樸難工也作者以仄韻為栢梁體筆
力排鼻音節頓挫殆以革木之音而鬱金石之氣非
神明於古人者不能 僕於近代七律首推梅村以
為西崑面子老杜骨頭自義山遺山而後殆無其匹
作者隸事典切結響沈雄直與此老抗衡 東鄉吳尚
梁蘭雪

大著五古源君家射洪而變其音節七古杜韓蘓陸
無所不有有絕似吳淵穎者尤瑰麗有奇氣近體以
杜為宗出入二李下至秀水新城亦不肯放過麻姑
指爪太長矣鍾記室品劉文學仗氣愛奇動多振絕
非才力雄擅那能有此讀竟不覺俯首至地歛鮑桂
星覺生

秀逸沈雄處殆合虞劉兩文靖為一手 閩縣陸玉衡
檀河

翡翠蘭苔之色金鐘大鋪之音碧海長鯨之力蛇鳥
風雲之陣糝弄杜韓脰胎漢魏當今作者誰與抗衡

桐城姚瑩石甫

絳跗草堂詩鈔六卷福州陳太史恭甫先生著先生
經學精博有左海經辨五經異義疏證行世澍然嘗
採其說春秋者入所著春秋釋經矣而絳跗草堂詩
鈔今乙酉秋至省始受而讀之其詩蒼贍雄堅大抵
師杜甫氏而五古導源建安七古兼有高岑橫厲處
復近韓蘇近體則淹有明空同滄溟及 國朝梅邨
竹垞愚山之勝可謂一代作者然觀集中所載或一
歲三四首或數歲乃無一詩蓋先生意念所存遠矣
豈欲以詩名者哉而詩之工如是豈非本原盛大流

注無方而然歟昌黎曰餘事作詩人殆先生謂邪光澤高澍然雨農

五言古力厚忍深醇而不肆襍而不拙原本漢魏而翼以射洪曲江無一語落開寶以後七言古從高峯起手而出入於杜韓蘇三大家萬派彙流百寶眩目視弇州吐地伯仲之間耳近體於沈鬱中見清曠於綿遠處見高華有青邱之雅鍊而雄健過之得阮亭之神韻而典重過之兼旬雜誦沾丐為不少矣本朝以經術擅詩名者首舉蕭山秀水然毛專詆東坡尚少停蓄不如朱遠甚自謝山大宗兩先生出始與

三

曝書亭鼎峙千古蓋詞章考據奄有其長者若此之難讀絳跼草堂詩鈔又歎秀水以後一人而已全杭兩家不足多也寶山沈學淵夢塘

五古溯源浣花委注梅村七古杜峯氣骨韓蘇才情遠揖吐地近俯秀水五七言近體則李何王李王施朱宋無不掇其精華尤於弇州梅村兩家為近七絕亦風調清遠在國初諸老之間吾閩近時人物若李文貞之經術蔡文勤之理學朱梅崖之古文皆足雄視一代惟歌詩一道非如丁厯水之確守土風即如黃莘田之未具大力如鐵堂甌香二許先生雖稍

能振作歸於大雅而流傳不遠才亦有偏至蓋自鄭
少谷後歎復有能旗鼓中原者常引以為憾此集氣
骨與少谷同祖社而才情學問勝之闢三百年之壇
坵而釋其憾非此誰歸受業張際亮謹識

題詞

閩縣薩玉衡檀河

梅花丰骨是神仙十載論交最少年元祐詩才過海
壯永嘉名德渡江賢天生蛩屨長依負世有夔蛇總
愛憐自笑土音操未了千秋山水屬牙絃

汀州伊秉綬墨卿

學海真堪待問津朝端風度曲江倫經時酬及高常
侍和句起於賈舍人蘭膳笙詩紗幔曉梅花明月玉
堂春羨君愛日宮袍舞可但貧交筆有神

讀恭甫先生絳跼堂詩題後即和集中贈梅用東坡

五

先生松風亭韻元韻

華亭張祥河詩舫

午眠一窺梅花村若構奇境飛詩魂先生眎我絳跼
集披誦遂竟鏗黃昏梅村不死卧子起恍見揖讓還
鄉園精心八極接雄傑太古有石蒼苔温危灘折流
瀉春瀑瘴海望氣升朝瞰閩南著此老健筆林高而
外開旗門末流叫噪丐膏馥苦心在斯不與言用少
論詩明當攜卷山絕頂萬家烟火陪清尊適有烏石
山之游

壽恭甫前輩

金鑽孫爾準平叔

南州大雅仰扶輪爭慕風流效墊巾藏室書歸周柱
史名山論著漢經神博通夾漈空前輩兼擅長蘆有

替人

夾深積數十年之功為經旨禮樂天文地理蟲魚草木之學皆有著述又討論圖譜亡書君之

學實似之

國朝碩儒林立而樸學之外兼擅六詩三筆者頗難其人惟小長蘆奄有眾長以君儷之殆

無媿

脩到鄉嫗原是福每來山館輒逡巡

人間爭說魯靈光六十平頭鬢未蒼服餌無須赤松

子畫圖久戀白雲鄉

君乞養歸畫戀雲圖

閒居燕喜依紗幔清

話從容數玉堂停却輜軒開講舍新陰桃李藹門牆

蓉湖拏棹締交先

嘉慶辛酉君入都先過蓉湖見訪

聯步花甌證宿

緣逮我下車趨拜日是君鍵戶著書年東甌史筆千

秋擅

著東越儒林文苑二傳

左海集

名文編萬口傳况有符郎能

徧讀故應長戀在山泉

鈴齋躡履每相迎捉麈談深見性情裴秀知能周郡

國子瞻人惜未公卿且勞文獻徵前事為志方輿紀

太平

時奉延修省志

一曲琅璈將進酒二分春色滿榕城

... 六十年 ... 太平 ... 琅璈 ... 春色 ... 滿榕城 ...

絳跼草堂詩集卷一

福州陳壽祺筆仁

五言古詩

咏史七首

丁未

許郭好人倫高風扇坤軸宣城讀孔表折簡亟嗟服
古來憐才人說士甘於肉俗儒趨墮波貴耳反賤目
蛾眉動朱脣群醜生鳩螟譬彼蘭蕙花雨露所濡沐
螻蟻蠹其枝亦足干黜黜所以三閭翁瓊佩傷幽獨
薛公隱賣漿毛生藏博徒朱亥鼓刀者侯嬴抱關夫
信陵貴折節聲聞傾八區豪俠勢尚爾况乃閔皇衢

卷一

英才未究彌蠃蠖沉泥塗何地無夜光曷必曾城隅
煌煌丹鳳城沈沈金馬閨飛旌曳明月影組紆長霓
不知何甲第水柱皆錦綈晨星魚鑰動擊鞞奔風蹄
坐令源陸輩森與槐柳齊飄飄被褐客青雲無由梯
屈伸學尺蠖俯仰隨醯雞常恐鴻鵠舉中道安歸栖
夏甫恥從父仲孺慙賢妻亮當友麋鹿抱石眠蒿藜
下邳復廷尉勒門始箴客樂安著葛練舊交分踈隔
谷風刺薄俗河上悲同厄所嗟廉慶喪何止蕭朱隙
鳩鳥防涉秋槿花不榮夕中道多棄捐孟門橫咫尺
自非羊角哀誰能託金石

北風吹不周火維變淒凜澗枝紛飄搖林鳥各閉禁
戚戚窮巷士堀堞自踣蹠漏屋牽枯茅空牀撫寒枕
旨蓄不禦冬無備猶拾瀋忍凍行荒郊所遇增慘慄
谷陰狐兔驕水急魚鮪淪何當回春姿慰此蕭寂甚
不見金張廬煖客出貂錦瑤笙逐朝歌玉笋連夜飲
逸娛固所安誰憚積薪寢

安邑畏累人生蒜猶可茹柴桑拙逢時飢來驅之去
寒蠶翔薄翼昏夕鳴達曙風露滿高枝抱葉不知處
群雁爭稻梁得飽即軒翥騏驥樞下伏鞭箠付僕御
貧士儻石憂出門難告語邗姑學新妝俛仰皆失據

卷一

二

少無脂韋骨漂沈任萍絮

龐公居隴上耕耘遺子孫族世蓬華陋潔白舊所敦
每懷逐鷗鷺萬里凌風騫浩歌陟岵岵感此戀晨昏
種柏柏心苦猶蔭萬齒根采蘭蘭已綠多踐霜露繁
高堂攬明鏡倚杖傾芳尊悠然初月出各話春風暄
吾將希北郭列鼎安足論

羨人

丁未

羨人倚樓暮微醺睇碧梧東風吹慘綠花泝煙橫
衲哀歌振長袖心與春雲孤勸君毋折柳飛絮霏羣
襦哭亡弟阿金二首

六歲以痘瘡

孩提女知夢稍長女知敬諧婉妙靈舌敏勤稟誠性
如何罹鞠凶宜漢付天命飛蟲敗新苗積土霾明鏡
憶我昔就塾數朝歸省親應門十八九來女走跋踈
入堂俟我坐牽裾笈呼詢親懿各在前喁喁話酸辛
形顏如鳩鵠何有愛此身明發不能寐急難哀仁人
塊獨負履戴吞悲難具陳而今女已矣音容詎能真
我日送北邙挽之不可留白楊風蕭蕭慘淡陰雲愁
凸凹積穉耻而女相幽求一坏覆鸛垤小鞦無聖周
脊今怨衰隰何以紓我憂天運有遷化朝菌將誰尤
荒林竄狸鼠昏徑飛蜉蝣游魂依我歸毋與獠狂讎

過楓嶺

壬子

卷一

三

西行出楓關日脚千嶂午絕磴扶筇輿捫蘿纒一縷
崢嶸大竿頭連峰接數武嶺半靈烽墩斥候靜樓櫓
海天橫蒼蒼萬里控一柱地險非人功真宰為之主
凍雲欲釀雪風力健如弩鳥厲愁飛遽天長覺蕩苦
青空撐孤亭長劍可倒挂墜礪隔千尋沿緣不敢俯
泉疑湧月流石與隕星古持此謝越人何必語天姥
漂母祠

癸丑

隆準卧沛中貰酒從武負淮陰釣城下乞食寄漂母
遭逢君臣間並世兩奇婦夢傑有屯遭皮骨困升斗

見絕亭長家受侮市兒口慄澹隨風塵命輕螻蟻蹂
僖妻饋盤飧深女薦簞糗感均千金酬蹟垂億載父
母曰不望報此語若天誘摩厲英雄姿掃滌兒女醜
亦如張文成受戒圯上叟王孫早覺悟豈復恨弓狗
惜扎絳灌前不如赤松後一飯義弗忘况乃漢恩厚
鍾室霾沉寃反假婦人手區區一鄧侯恩怨亦何有
長川東逝波空祠暎林藪吾亦杖屨來臨風酌卮酒
蒯徹

淮陰畫三秦指掌在食項雌雄劉項閒人傑鑒已炯
蒯生相君背竒計思一逞安知赤精符天授難與並

卷一

四

利口猶被躬

伍被息夫躬

胡為誇雋永雄議開三分秦鹿

勢終併後來蜀吳魏群力各驅騁山川有鬪爭珠囊
疇更整偉哉隆中人一言定漢鼎

題王文上泰荷薪圖

上山拾松蘿下山補茅屋中擔萬古愁終朝不盈束
窈窕一美人被蘭在空谷丁丁聞巖幽自向青冥斲
勿使本根傷但期枝葉續悲哉拮据心蚊負懼顛覆
樵風吹客衣縹緲行空曲宛童卧秋花山鬼倚春竹
千崖風雨昏猿狖啼深綠道阻窳屐忙日暮隨歸犢
大壑有藏舟勞薪無停轂九原如可作猶為荷者哭

我生雖散樗，思扶大厦木。萬牛重丘山，天地空踈弱。
弱植媿未勝，浩歌感幽獨。

讀樊川文集二首

甲寅

書生輕論兵，浩瑄真兒童。

房瑄

吾觀杜舍人，亮有烈

士風。畢生抱孤憤，得失籌山東。一百二十城，坐鏗幽

并空。忼慨注孫武，感激錄譚忠。丈夫急憂國，豈為邀

奇功。安得召宣室，吐氣如長虹。山河一畫笏，拱手鸞

天弓。廟堂不戡亂，卿相疇詰戎。良圖適不用，壯志將

毋窮。一麾江海去，鬢絲如秋蓬。揚州十年遊，短夢銷

英雄。傷春與傷別，

見李義山詩

未盡斯文工。高樓感風雨

卷一

五

玉谿豈知公，願語地上友。莫漫呼詩翁。

文皇定神都，風煙蕩四字。煌煌十六衛，開置折衝府。

表裏握鈴鍵，農田寓兵伍。當時褒鄂徒，萬里歸御侮。

中葉何萎萃，庶孽不師古。開天罷府兵，厲階始生瘡。

大厯貞元間，羣養及羶虎。尾大足漸，羸角奔肘爭。附

旁訐八鎮，疽下釀五季。蠱君王，憚青兕。威孤弛，絃羽

豈知詰暴方。禮義藏干櫓，凌煙無舊人。悻愜付織豎。

沈吟白獸闈，感歎同臣甫。

又讀樊川文集作

畜鷹本搏鳥，乃與鷓鴣親。張罟逐狡兔，翻然羅麇麇。

不見會昌初長吏失拊循江淮積寇盜商旅無通津

剝剝沉舟楫搜括空金銀茶山二三月婦穉綺羅新

狐鼠千萬輩博茶工壓身集中與李太尉論江賊書

言隨身有茶即人不疑是賊去來如掃葉誰能跡平人豈無鎮戍

卒單弱徒逡巡花老雖發縱安肯吠狺狺就死與賒

死難易良有因又云鎮戍所由皆云賒死易就死難縱

拒立見殺害逐捕紛四出瓜蔓相渾淪血肉困鞭撻

謂之就死謂之就死草菅委灰塵綠林益跳盪十不得一真始歎螻蟻力

易制橫海鱗周官立肺石所貴達窮民螟蟻賊田穉

何以敷春仁廢卷此深喟十春傷我神

卷一

畫史姚雲自作其節母暢山夜課圖

雲莆田人居暢山祖黃甲平和教諭父鼎立邑諸生母葉歸十載而寡遺幼孤三撫之盡悴雲其季

也以畫名母卒遂茹素終身作夜課圖

姚君清門雋文采雅可挹丹青曹霸貪風樹暮魚泣

悽悽黃鵠歌感歎動朋執暢山俯清溪蕭瑟石崑岷

中有鳴機聲老屋風習習孤燈課兒書或坐或起立

獨鳥號陰林涼月照平隰空墻敗葉飛虛幌踈螢入

猶牽寡女絲相對自嗚咽但傷霜露淒不惜刀剪急

茹荼廿五載高行光鄉邑畫隱李也才宋庭見長揖

平生明發懷向人輒快悒長齋修白業禪誦供米汁

愁隨春暉長，泪與墨痕溼。噉麥思孝克，無復炊香粒。
畫扇憶張敷，未忍啓塵笈。綱常有，不刊須待彤史緝。
願持孝經圖，請補白華什。

菊野秋醜詩

我聞武林西，馬騰勢幽徹。士女工鬥花，每尋吹帽節。
禁品八十餘，霜葩妙區別。麗矚不可期，三徑誰羅列。
主人臺榭綠，燕處吟雌蜺。五美標素襟，蔣種滿巖穴。
深圍翠谷平，稍露青巒缺。萬重簾波亂，千片垣衣折。
曲沼微通流，灌鋤併偶挈。以此駐秋容，亦足自怡悅。
吁嗟石湖公，著譜虛陳說。百草變不芳，七月鳴鷓鴣。

卷一

七

修士餐落英，離騷久隨絕。高人愛佳色，隱逸成盜竊。
握手三千年，焉得逐前拓。孟公夙好賓，投轄留車轍。
開筵東籬東，雅意窮搜抉。更徵黃綰詞，霏霏鋸玉屑。
庶幾書歲華，晚香偕不滅。珍重延壽翁，勸君勤採擷。
太姥墓

山上有天琢兮巖
四字在福鼎縣

戊午

神工琢兮巖石笏，去天咫不知。何代墳壙堵，中屹峙。
或言堯時嫗，菽藍給隣里。羽客授還丹，餐霞洗玉髓。
鶯草招昌容，飲醪乞女几。八月谿雲平，空碧變寒水。
猶疑染衣人，明月照羅綺。放勳告禪初，瑞倫握河紀。
僊佺及方回，本非功名士。睢盱耕鑿民，豈鮮餐鵝藥。

如何巾幗中蛾眉學鷓視三河受赤圖妄書陳鋒氏

中山祠夫人經注洞庭望帝子紛紛附伊祁太姥猶

是矣婉婉九色龍七夕事恢詭舊傳太姥以七夕乘九色龍飛昇藏

舟外形骸曷以委荒址穀林已雲封蛻骨安足齒春

風落山花長卧呼不起世人慕神仙神仙固若此

游教授光瓚親蘭圖已未

校官置儒林其職等師保翹秀歸匠成暄風振枯槁

峩弁萑蘋蘩觀旂拊莠蓼鬻以文章華卉木亦色好

游君廿載師鐘鼓訇載考絕絕刺桐花東逾赤嵌島

猗猗蘭蕙芳九畹得春早籛葉剖新故深根調溼燥

卷一

冠佩瑤華紉沐浴水骨嶠苦峪化鄧林芋耕手所造

有時潔夕膳甘敵安期冀以茲詒子孫富勝彭澤稻

長把種樹書不知玉顏老我思簫湘波綿綿愁遠道

鷓鴣鳴深林蘅皋跡如掃安得移衆芳垂雲插晴昊

我手無斧柯慙然念幽討寄問山中人甯能憐小草

八月十五夜宋湘芷沅黃鳴傑季侯李象鵠命圃白

鏊小山覺羅桂芳香東趙在田穀士諸同年集庶

常館以一年明月今宵多分韻得一字

蓬壺敞丹房飛觴邀落日何處裂洞簫吹月松際出

雲羅拭碧虛煙林稍濛密三霄風露多昏鴉歸一一

吾儕飲清光長嘯振雄筆詩城堅壘高酒軍勁騎疾
氣吞雲夢九人揖建安七回蕩萬古心萬象破蕭瑟
吾欲鞭織阿總轡歷箕畢天地拜秋聲魚龍醒泉室
請歌水調歌高寒增凜慄

效靈芝篇送館中同年假歸

靈芝生疏圃雲蓋覆丹莖寒枝咀其實壽與容彭并
吾

皇敷闔圉孝弟敦膠鬲萬國盡扶老朱顏如童嬰翩
翩金馬客焉沮烏鳥情昔聞漢東方別親遊玉京經
年一歸省暫許辭蓬瀛豈無丹霞漿跪進青瑤觥始

卷一

九

知骨肉愛神仙同蚩氓天上十二樓墉宮凌紫清飼
君負嶠粒五羊銜香杭被君雲崑錦孔翠雙織成賚
君太霄簡翔鸞蒙丹瓊仰濡雨露潤長護松柏榮歲
華及未晏雪點征裘輕霓車引歸路入門花已禎置
酒高堂上芬芳滿衿纓回瞻五雲閣珠樹春風生借
問丹穴鳳何時還碧城

遊子吟

坐君邨上琴聽燕遊子吟遊子家闔越有懷向明發
憶我辭親時瑤草綠未歇雨雪入長安躡屐登金鑿
庶幾葛藟根新被零露漙所慚瑤池水莫致青琅玕

家園四壁立孰采咳下蘭轆韁素綳短不得轉并幹
周周自銜羽疎毳霜前乾恨無玉虬駕送我南雲端
昨朝雙魚至長跼具衣冠開緘讀未半苦語摧心肝
庭中有嘉樹明月正團圓鴻雁謀稻梁念兒首霜餐
茲雞鳴東戶憂兒衣裳單但聞惜枝葉安知自飢寒
昊天催歲籥晝夜跳兩丸去日不可挽來日方大難
馳驅及少壯猶覲 皇路寬高堂漸華皓何以償寸
丹悄然百感集中宵起長歎

擬謝宣遠九日從宋公賦馬臺集送孔令詩

庚申

青霜落蒼穹萬里鬱秋色高臺飄迅商扶光逼西匿

卷一

十

素節啓鳴葭行宮餞旋軼酌醴浮芳清吹笙寫歡極
廡鳴嘉賓樂由庚萬物得寒谷無積芳繁林有息翼
歸客感蕭晨朝簪緡潛德誰能弭浮驟飛蓬逐川側
酬許曲阜作屏次香山寄微之韻見懷之作

人生離合蹤雲水本無住草草京華遊秋色隨燕去
明月送我夢東墮石門樹鳴拉邇緇帷拂拭懸甕罍
金絲聽深堂荆棘除廣路若問蓬山寒瑤花綠如故
同梁九山侍御用昌黎縣齋有懷韻奉題林同知崑

瓊讀書松桂林圖

庚申

我誦循吏傳千載起歎吒文翁厲學官呂父勸農稼

古意一蕭條治聲久淪謝萬禪閒枉糜臠厝變蘭麝
得無六蟲成安補十驚駕夫君含穆衷夙昔耀高價
千莫素虹飛珣玕彩霞射

朝廷擇魯恭父老乞侯霸魴餌察存亡鼠牙銷訂詐
時於簿領餘不廢鉛黃下貪結文字緣幸脫官長罵
往役討蠻猺雄軍輕棘灞府帖繁徵調戎旃少休暇
將軍帳樞牙壯士弓橫膝君常緩帶居坐勝征鞍跨
盜賊避春陵父兄思僕射踐更月算緡犒宴春行炙
元遜正典糧恢之敢請假洗甲澄江湘摩崖小萬華
霜鏡大酉秋星騎甘泉夜勲伐晉州端寵光被宗姬

卷一

十一

方傳佩寶刀益縱騁雲靴焚瓜蔓縣綿荆鳥鳴架架
畫戟坐班春緹車出觀稽流戶息殘喘逋租邀曲赦
將編政譜條先補蒙書罅窺園况燕閒散帙幾冬夏
勤逾僧祐鈔祕敵孝標借字古蛟龍拏歌高鬼神怕
宜室占始來魯山識猶乍接語何溫醇披圖私玩訝
松桂誠輪囷文史果枕藉回思沅澧清不患荃蕙化
荷屋塞杜蘅蘭陂樛檀柘嵐氣青壓楹湖光綠浮榭
講菽退賓堂譚經博士舍杞梓招鸞栖竹梧絕鷓鴣
如今江侯還定有門生迓舊植多沐芳新葩倍爭姪
君看仙杏花已託東皇嫁

永明蔣錦橋同
年君所拔士也

奉贈同年張介侯瀾改除縣尹

辛酉

秋隼出海西骨氣走精銳韞上萬里心慘淡視天際
張侯涼州杰鋒稜六翩厲弱冠登瀛洲文林有根柢
耿介苦士懷芳烈芟荷製蓬山歸奠雁紅雲暖羅袂
侍從騎白鳳香塵委青桂仙人曠三清豔事驚一世
關隴正風煙戈鋌罕寧歲萱花不鮮憂杖劔辭謁

帝

帝曰金閨秀雕蟲安足綴 朝廷擇司牧女往汎清
惠吏風惠束涇資子儒術濟子非厭承明夙結揚馬
契子豈薄淮陽須畫社稷計驅雞急斯驚捕鼠大曷

卷一

十二

制岸峭土易崩水煩鱗必救神明有弛張盤錯何掣
曳京華冠蓋滿磊落才未替酒酣風雨來青眼高歌
繼吁嗟息羽月圖南待所遺儵然聲聞天戈先臬咳
秦贈同年許敏甫_亨起之江川

江川僻滇陬山谷連徼塞其土稱沃腴其俗亟耨耒
耨賦輕匪飢子弟馴易誨西南厭鼓鞶此地息凋瘵
苟居悃悃吏可以靜鳴吠夫君瑶林姿西垣逼華蓋
三年蓬萊遊出宰壯節邁粟色換薛恭山陰得傅綵
君初掣筮得貴溪
引見調江川 世流有澄濁官守無內外衆皆惜
枳栖我獨凜瓜代刀筆筐篋閒吏道棄如芥才鋒新

發矚喜爾文無害雖言治小鮮課當計簿最男兒勳
名成豈在所憑大清霜凋薊樹南望白雲對遊子萬
里行暫歸寢門拜瞻瞻八十翁謂君太父扶杖撫襟鬚兒
女羅酒漿親戚悅情話 王程自有期春水趁鳴瀨
君知望歲民將懷來暮慨

題鄭六亭解元兼才南歸舊圖因述相知始末時余

已請假即以錄別

六亭吾故交情親十載後憶昔金鼇峯岐海萃文藪
筆毫孟夫子學者仰北斗江河導群川蘭蕙滋百畝

是時賢撫部丹徒徐兩松先生搜巖掇瓊玖括匠來平原饒

卷一

十三

上海陸耳山先生長離彩苞九英英雜卿裔泥泥變稂莠南

學此其門庶闢窺日牖自從大雅喪里耳喧瓦缶腐

材撥皮膚廬屋矜墨守意欲剗衆熾恨無擘山手君

實拔塵才與我同硯久選賢登太學以拔貢生肄業成均飛名

滿人口高步斯文雄乍嶸俯培塿出入紛華場蟬蛻

不可垢交親氣槩中直諒前聖厚蒼然論時事匣劍

欲虬吼九年授枝官槐黃逼南走福唐海濫邑人師

資善誘秋賦魁多士聲價果非偶重遊京華春竚結

蕭朱綬燕蹄雖暫蹶荆璞終一副長風吹朔苙舊雨

散盃酒披子送別圖適我瞻馬首離亭過雲白老樹

障山黝去鳥隨行鞭斜陽照折柳感我立踟躕何以
贈我友子歸我在里常從讀藎白我歸子在都疇慰
覆瓿甄落落殖榭朋殖榭同人舊會所無猜猶合耦願邀老
成人亟發大小扣起衰尋茫茫同調援某某典型苟
可紹吾道託擔負論學無遠邇評經有然否子其指
義樞助我抉闕壯他年求息壤權輿歲在酉

觀音巖

在英德縣臨江絕壁

壬戌

鐘聲不墮江坐佛在崖空飛樓兀搖舟轉受江影弄
削鍊青入天浮虹此結棟盤盤百尋澄白日忽踰矇
禪燈青黯黯微照石房縫雙壁合空冥上併反宇重

卷一

十四

常愁青天外風雨屢山動又防萬丈潭蛟螭出陰洞
架广枝撐幽青蓮地中湧山僧如猿猱槽巢閉跳踰
仰排懸闔出俯瞰波洶溶怖鴿不敢栖星斗宿浮楸
鍾乳檐際落石花大于雙淙淙懸溜飛濛濛細草茸
是時五月晴坐覺靈氣凍闌前立千峯一一對我拱
我行嶺南還世路歷龍嵒嵒然歲月久暫此躡仙鞋
八王徒區區何所難息踵闔風在人間絕境誰與送
回舟煙水空竟夕亂幽夢

寄錢唐俞秋甫

理

黃鶻遊四海飛鳴求其群君子澹泊交千里合片雲

我行川路久時覺魚鳥親况乃武林麓觀此東閣賓
青山入官府偃蹇想高人鞶帶辦貞亮佩裳謖蘭蓀
谷神中有養玉顏映江春縑緗手不釋梵夾參聲聞
平生百千篇高皮海笠園君詩文集名如何藏塵幢不求
張子軍燭短夜聽詩酒闌畫論文貽我瓊瑤詞其風
清且敦朗懷寄孤月惘惘不可言青霞過萬峯越夢
猶湖濬琅玕甯足報庶以盟松筠

積古齋周遜仲解詩為儀徵阮公壽儀徵阮侍郎師釋文周遜仲解

高七寸一分身高六寸底高一寸一分寸徑二寸
八分底徑二寸二分底花雲雷紋一道腹有銘六
字曰遜仲作父丁寶又丑字中作八字下作兩止
相對形案遜古通遜尔足釋草大菊遜麥釋文遜

卷一

本作邃蓬伯玉之蓬淮南秦族訓作璩世有邃
氏又有璩氏皆邃之異文此邃仲其伯玉之族與

丑即亞古黻字狀如兩弓相背
戾八別也此象執弓者兩足形

癸亥

高盆臚禮器曠古積金錚有觶姬代遺厥製梓人覈
說屨徵韓詩譌觶諦鄭釋觶改汝穎讀觶從汝長撫
陳數用相訓侑飲取自適七寸高尚強三升受猶窄
異紋回雲雷奇色浴丹碧闌銘辨六字綴筆誇眾容
器維遠仲作寶為父丁惜邃邃文則通淇衛姓不易
加玉書或歧从虞聲匪隔春秋溯前詰伯玉光往籍
世胄无咎尊褒封內黃益案禮記檀弓上陸氏音義
引漢卑子理惑論同呂覽古類注云伯任更獻襄靈
玉謚成子衛大夫邃莊子无咎之子

脩齡蓋逾百

蘧伯玉始見左氏傳魯襄公十四年當衛獻公之十八年至魯哀公二十年當衛靈公之四十二年孔子至衛主其家前後已六十有七年以古人四十強仕之義揆之伯玉蓋年逾百歲

仲也豈其宗字依質家積公羊傳成十五年何休注文家字積於叔質家積於

仲春祺修洗腆天貺壽平格朋或並岡陵禮則備肴

核再觀弢體形乃審黻假借重弓取輔辰二已失偏

僻八字中示列兩止下齊跡在彛从ノ省韋譌點

畫雲臺侍郎師釋王復齋鐘鼎款識云黻與黼同為畫續之形黼形象斧明矣兩已相背已何物耶漢書韋賢傳師古注黻書為亞文亞古弗字也經傳中

弢佛弗每相通假說文弢輔也重也弗橋也从ノ从無以下筆必有後人刪改之說弢字明是兩弓相背

左右手相辰之義凡鐘鼎文作弢者正是古弢字亦即是弗字黻字

銘器貽子孫旌武

垂典冊上覩人辛尊旁梭母乙鬲二器皆有弢字見粹氏鐘鼎款識

意倅族立矢象類子執戟此義受師傳其功參聖譯

萬古開昏蒙一字直罅隙公門文武烈海內聲聞揚

星推角充長光帶旗翼赫豈徒施尊彝亦足壯几席

循陔賡詩六軒斗去天尺用為縮綽灑永資純嘏錫

陶舫詩三十韻為馮氏兄弟作

癸酉

國初盛文章波瀾廓溟漲吾閩守谷音丘壑自清尚

長林固多材弟景鬱相望莆陽聞二亭莆田林堯光澹亭堯英澆

亭皆有集候官出其上来齋考金石三秦搜幽曠堂

今多佚

堂李忠定年譜資緝齊侯官林侗字同人有來庶原

齊金石考李忠定年譜庶原

工八法筆跡光屏障鳳池推轂多珥管掖門閱傳鈔

春明坊惠書富五輛同人弟估字吉人彌鹿原官中書藏書甚富京師士大夫多從

借中朝數鉅公巍然丈人行遺集得手書在三古義

充汪鈍翁戶部陳澤州相國王阮亭尚書皆鹿原所從受古文詩法三公集皆其手寫而汪陳並出於

身後人以詩文見門廡彙括歸括匠吾觀櫟學編頗

恨少沈壯鹿原有櫟學齋詩文集二雲稍接踵謂鹿原子洙雲涪雲皆有集

著作亦軍張洙雲號蒼巖著書數種羨哉雕龍崔世業無與抗

憶開荔水莊野趣納青嶂斜陽古堞紅西南與城向

桑榆足徜徉別墅就陶舫過從媿雅徒往往領家釀

風流百年淹烏衣默惆悵機雲東西頭文采惜凋喪

卷一

甘泉无父湮昭陵石誰訪甘泉宮无記鹿泉撰昭陵石蹟考來齋撰後生

熟姓名徒思虎賁狀翩翩大馮君飛譽金友侂宅仍

宋玉居墩是安石讓小池初鏡平側亭復松傍臥地

苔石歌穿牆裏花颺吾曹詩事興迭招白雲唱浩蕩

詢詞源津梁竟安廷悠悠海上琴移情在潏潏星綺及弟

星水同舉於鄉余少與星綺遊庠相知最早

駟駝篇為從外祖姑王郭氏作

從外祖姑郭四孃少許字王生生故寒門無何以

風孳廢其家請改對女父母將從之四孃誓死卒

歸王相守四麟扶持左右終其身無怨色今老矣

有嗣子能養壽祺嘗以禮見閒語壽祺曰余一世
憂苦非子莫能宣諸筆願以是託壽祺謹諾且謝
不敏退而為駟賦篇謹附於此興之旨以勸貞義
駟賦向南飛悲鳴乘颯風悲鳴亦何為哀此折翼雄
秋江葭莢白沙岸莓苔紅寒飢不自恤疾痛相為通
巢成不求子非復桑鳩同鸚鵡猶比偶單鵠彼固窮
骨肉兩恩愛飛止無西東天長與地久栖守甘長終
韓昌黎詩天長地久栖鳥稀故雄亦已逝弔影孤雲中木落歲華
晚明月照寒空下有不轉石上有千尺桐羈雌何所
惜慘惻明微衷懷貞吁若此亮義凌高穹

卷一

十八

小西湖泛舟

層閣面西陂空翠水雲曲山家紅樹深門前飲山淥
汗漫堆琉璃翩然送黃鵠主人畫艇開為我延麗矚
三壺煙島明咫尺踏鼉足傑閣凌飛霞回峯射晴旭
半篙秋水平岍蘆森似束十里湖中花碧波浸寒玉
牽風桃荔亂卧石鷗鳧浴虛無水晶宮采蓮曲誰續
繁華千載事殘照澹平綠枕鐘出空林落月櫓聲促
緬懷傅高徒小隱絕塵躅歸來閉柴荆呼童倒醪醑
自警二首

壬午

四維重廉恥三疾標古愚末俗鄙且詭涵涵同一塗

矜矜狷者姿皎皎及易汗直道與物忤醜正蕃有徒
人生感同類踴躍謂可孚庸知更世態情偽紛鼠狐
模稜為鄉愿眩筐為小儒盜金指直舍掇塵惑顏鋪
幡幡少年子輕薄何時無平生同門友誰能辨根株
始知楚正則憤嫉吾道孤辟如漆室女孺歎遭擲掄
豈以金石固迺憂套意淪入山恨不深迷陽何曲紆
安得排闥闔高翔出鳳笈心與造物游汗漫盧敖俱
太空視浮雲變滅能須臾

東京氣節士昔有杜泰山還家語有司陳託多所干
達賢糾違道刑賞兩不好豈曰遽侵位休撈佐衣冠

卷一

十九

斯人峻名行高與元禮班同時劉季林寒蟬徒笑訕

晦翁憫民瘼亦許言於官

朱子嘗言凡民有患難勢
可言於官則為言之不可

言則多方
救護之

賢者當急病固行心所安野夫誤浮名偶

逢交際端芻蕘不知量謂可吐肺肝庠序憲積廢訟

獄憂摧殘庶孝防濫舉吏胥摘宥姦見義或過勇鋒

鉞未能利焉知沒黠贖戕口生憂患北海久不作高

風今孰攀慙無彭邠德奚由忠信殫聞政非吾事慎

言良獨難省警譬曹枿吾過誰能笑流丸止甌史重

裘救隆寒昭昭摩兜韃先詰銘請觀

晉王昶云救寒
莫如重裘正謗

莫如
自修

贈林少穆兵備入都補官三首 則徐

重華闢四門八紘張天網俊乂如雲興九遷懋官賞
夫君披天才玉清躡霞上星傳佐文明蘭臺資直讜
武林佳湖山天教秉英蕩清若江流滔惠如海波泱
越人誦使君土美禾善養 朝廷知弱翁指頤華袞
獎未曾滿灌謁請急何太慷慨高堂有采薪遙動心慙
悅朝聞夕投組如飛鼓蘭槩至誠感上天未至已起
杖入門色笑親深慰明發想父曰嗟子子天祿吾坐
享四牡戒懷歸於義宜勇往慈母縫征衣親朋勸行
鞅鶯花三月初買棹春水漾江湖魏闕思忠孝道無

卷一

二十

兩偉哉柱石安濟時望吾黨

會泉見夷齊敝屣視韓魏人爵安足榮仁義乃富貴
君子行道心誦古思髣髴九罭歌鮮魴甘棠愛蔽芾
由來社稷臣一誠通萬彙民俗凋敝餘若旱需灌溉
奸宄陰孽芽若農芟蕞旣吏道患因循人情多忌畏

蒼生繫安危所尚在宏毅吾鄉兩襄惠

明惠安張淨
峯總督岳連

江吳子彬尚書
文華皆謚襄惠

文武有經濟安溪本通儒擁旄功

澤暨落落踰百年後賢每歎欬如君復幾人淵岳納
腸胃公卿交口薦雅故洽蘭味我獨勗千秋匪爭時

譽誦

至尊資股肱上

殿吐奇氣許身稷禹倫志士何所諱

君家 資政翁髦翊韞負抱疇曩庠序中素交善先

考兩家寒峻興隱約艱締造愷悌天所祐朱紱侍奎

老勲業霄漢間上貽今名蚤嗟余瘡墓還北堂已華

皓况乏丁公籐起疾徒請禱鮮葩雖潔白散木漸枯

槁才命判風花遂初差自保何由北山移得傍南澗

道君嘗戲余以微
召之言故云尚將尋蓬萊春風拾瑤艸或奉君

房書平生永為好

廬陵王孝子詩義王霞九侍御先德作四首 乙酉

卷一

二十一

啞啞翔高原慈烏哺其兒嗚嗚繞膝前孝子明發思
萬物感以誠纏綿無盡期春山茁孤竹春草生卷施
艸竹心不死孝子長涕泗

涕泗夫如何高堂嗟白首殘景逼桑榆疾痰瘖手口
吮疽不恃醫籲天竟延壽及次西塘廬雷雨助哀叩
純行盜為矜荒林虎為守秋旱涌山泉行旅飲清澗
至誠果感神高風永不朽

不朽孝子名不匱孝子心南山鬱葱葱枯杖生鄧林

蔓草相與綠春暉不再臨愀哉終身慕惟有栽蒿吟

青山高復高碧水深復深昊天渺罔極喬梓均此忱

此忱天所親愛 九童至孝里與順邨兩世篤純
志綽柳輝門閭維桑咸敬異後昆登玉清君子有穀
詒祥覽繼象賢蔚為天下瑞為吟白華詞千秋欽錫
類

梁蔭林藩伯新葺滄浪亭徵詩却寄 章鉅 丁亥

姑蘇有蘇亭得名七百載巒壑更廢興烟霞亦色改
君來駐干旗觴咏恣蕩駘希古思振纓方壺繪王宰
意圖榭榭新山靈如有待及茲總藩條泉石舒光采
詩心小謝山踐修前諾在岫幌空翠來波篠浮綠匯
楓柳與鳧鷖為君悅幽塏重成長史祠崇岡均歸隸

卷一

二十二

小志續商丘紀年在丁亥東吳佳麗地臺榭紛磊磊
况隣輿騎場傳舍逼尺猥熙熙城市閒疇暇歌歎乃
大雅躡前賢留芳及蘅蔭風月同古今履綦荊蕀倍
吁嗟滄浪清庶協心米雖君誠柱石材風猷動僚寗
薪茨力障淮粳稻急帆海角牙銷滯寃刀布飭財賄
淞江水利長疏濬日無怠所舍成甘棠謳頌粲珠琲
勲業齊靈蠟豈惟此亭蒐偉略涵泱泱雄文拔崑崙
奚啻肩蘇宋直當踵元凱餘事付詩人長資藝林採
題連城童若星 孫燦澹志詩草

昔聞冠豸山高入此塞 荃讀易彈真蘊妙理能談天

仰屋勤撰述微言棄蹄筌王韓無後輩轅伏有高年
傳家獲小阮績學師寒泉山居種松竹游想無懷先
草青雲復白荷蓀過芳田綠蔬夕理雨青隴朝犁煙
茅廬近江邨門外紅花然沙平四山霽翫月東溪前
披風坐蘿石抱膝弄薇絃吟成和鳴鳥梅柳春娟娟
曰歸不知老詩酒知誰賢文孫一齋亦尊宿紹衣留
青壇下帷析經義皓首心悅研願言述祖德突過臨
川篇

題芷林藩伯安集歸鴻圖

道光辛卯秋江淮微洪降千萬哀其更提携塞舫艫

卷一

三三

號呼風波中聲若殷雷闕蜚鴻悲滿野誰暇問耕耰
仁人視如傷餐粥逮戡截恢閔卅七厥嘉澤流淙淙
何須移粟勞汎舟接雍絳中吳義行豐全琮盈里巷
自非董勸先安被甘雨降

天災國流行其患自唐虞所倚大吏賢為民愛毛膚
葦間拾螺蚌沙汭招鷗鳧餒者施饘粥凍者令袴襦
疾者給醫藥穉者保穀雛男女各區別歲時感煦濡
章條既井井窮黎庶其蘇四郡與一州撫綏沛江湖
齎送六十萬收養四萬餘經營八閱月潦涸歸川塗
春風桃花水暝與魚蝦俱轉思去年禍危急中崎嶇

聖皇仁如天截漕蠲民租幕府號渙汗守令承奔趨
吳門歲亦儉慕義爭提扶嗟哉發棠請誰繪監門圖
東南財賦鄉膏脂出編戶粳稻轉雲帆金銀貢天府
稅斂固有經輸將亦良苦比年遭水患蛟鼉為誰怒
億萬蕩田虛八九失翁姥箕斗憂司農何由望紅腐
今春蘇與松豆麥敗淫雨瘡痍傷薦仍賙救賴鄉土
大臣善輯綏中澤資循拊公如未挂冠當復膏茂黍
吾知吳會民定詠鴻遵渚

吾聞本貧瘠常病珠玉餐夏愁旱潦積秋患颶風寒
鳩鵲加飢饉豺虎增凋殘延建逼鈔畧行旅不得安

卷一

二四

泉漳困鬥閩民力亦已殫榕城下戶廣救死在壺簞
孰拈田家句念彼心肉剜朝廷去諱飾痛癢咨衣
冠吾儕切桑梓豈忍說言端去冬海外警幸早釋櫓
干下游請漕急飛輓煩越官所憂蓋藏少義君成亦
難雨暘未時若馬料新禾攢天恩詎存覲歲事
期少寬因茲感嗷雁蒿目虛長歎

次馮笏軒舍人餞春詩韻兼呈芷林藩伯

春宴桃李園青蓮記詩序過客惜光陰浮生耗涼暑
况逢令節遷馬廢幽情敘黃樓有嘉招白社同故侶
竹松映晴漪有數薦清醕棟花風始過櫻笋厨將舉

賓朋紛離合觴詠沸笙鼓送春已不堪錄別奈何許
舊交半晨星隣舍隔今兩日剛消九十月漸闕三五
老懷孰能狂豚韻安得吐賴君瓊琚詞示我天地戶
嚶鳴應禽鳥趨少依蛩駉期浮南皮瓜速作沔陽黍
自慙翰墨遲輒為塵俗阻顏從煙霞遊長附松菊主

絳跗草堂詩集卷二

福州陳壽祺恭甫

七言古詩

放歌行

戊申

男兒致身苦不蚤努力龍媒涉東道不爾在山泉水
清邁軸槃阿不知老何須鍊玉并紮都但悅還丹顏
色好我生駒齒羞蘭筋頗思千里開塵氣草間日競
雞鷺食安覲閭闔排青雲秋暮蛟龍凍哀壑元霜殺
草風吹籜短劔狂歌覺有神長鏡暗泣知何託昔時
雲想塞羽衣長源十五將騰飛人生萬事東流水脫

卷二

一

屣便逐青牛師蓬萊飛車駕煙霧天風吹下空中步
舊鄉欵睨白雲飛孤鴻不行石山暮身世焉知隔樂
塵幽期終與煙霞親向平苦待畢婚嫁到今五嶽無
高人蒙山父子麻門婦蘿月自白幽巖春安知蕙帳
荷衣外笑煞人間周彥倫吁嗟乎芳蘭不求羨人折
中有素心隱如結君不見浮雲萬壑深復深何處空
山指明滅

青石藥臼歌和考功孟瓶菴夫子

藥臼為師太父
贈朝議公故物

己酉

吾師祖德多清芬仁心及物何懃懃肝脾元氣自淳

古欲以葆性全同群白料量度作藥店餘事不厭師
桐君乃圭所入生氣出錘鑪造化相氤氳自從貞白
歸仙地道素幽光黯然閱此白溼靈數十年牆角真
同短檠棄梭苔掃礫逢順孫嗚乎手澤今尚存魏家
遺笏范家硯對此枝濯驚心魂憶昔先賢身未遇封
殖無忘指嘉樹積水培風天意深初潛終見符其數
不然此物胡由完中有鬼神與呵護吾師早賦歸去
來青山白髮常銜盃金鼇峯頂晚談道神州杞梓親
手栽骨育痼疾各鍼灸芝朮蓂苓無棄材歌成藥臼
持示我歎息遺器無推積傳之子孫守百世毋使雨

卷二

二

淋日灸淪萬菜

雁門行為南安傅進士修孟作

辛亥

涼秋朔塞黃雲積古驛蕭蕭衰草白漢關秦月人不
歸雁積龍荒夢猶劇豐州豪士軼群才少年拔劍躡
萬菜飄然秋鷗逐風瞥一夜吹來雁門雪雁門雪後
風悽悽廣武城外聞荒雞四塞煙寒鼓角溼三關日
落牛羊低武騎狐裘獵平野誰知塞衛孤征者雲中
太守千旛踈馬邑名豪縞紵寡中朝將帥憶廉頗上
客詩書輕陸賈短衣會逐飛將軍去看射虎南山下

萬安橋

壬子

天外潮來搖海綠海門擘破泉山足中有卧海之長
虹白晝螭龍迴地軸釀道鮫宮四十七扶空雁齒三
千六鯉苗蠟趾深膠蟠平砥安於駕帆轟異裁斯橋
施手時海東萬石誰鞭笞人力無乃不及此天地亦
與陰扶持端明功德自千載不以恢詭昭來茲醋字
徒聞蔡給事傅會豈可神祇欺閩書明史皆以移自檄海神為蔡錫事
從鯨鯢橫絕島南北江關築城堡鏡虹高閣倚青冥
睥睨垂花江樹老祇今潮落看沙痕幾遭激鬻摧雲
根元豐纊圖不可見昇仙遺蹟空橋門坐覺滄波萬
古思極天愁隔春雲寄聲津吏善護視請看隆碣

卷二

神祠尊

青山靈安王廟在惠安縣城外五十里

壬子

按何喬遠閩書王三國吳將張廋惠安縣志舊以
為五代閩時人嘗禦賊青山歿而鄉人祀之宋紹
興辛巳震允文破金兵於采石神揚旗助戰旗書
其姓名允文詢之閩人從軍者因請旌建炎中海
寇作有陰助功封靈惠侯端宗奔閩幸泉州以庇
護功晉封靈安王墓初在惠安縣堂左太平興國
中建縣掘地得銅牌識云開我墓者立惠安葬我
身者祀青山乃遷廟於此云

海潮夜撼青山宮古苔蔽木吹樵風天荒雲雨假神
柄義配精魂為鬼雄我來訪古增歎吒事往英靈未
淪謝孫吳昔日據江東命將屯邊何整暇洗洗勇氣
張將軍盪寇橫江此其亞筭筮誰干呂子明錦帆早
服甘興霸遂令鄉社報杉榆每走邨翁觀伏蜡古廟
松杉鸛雀秋深山燈火笙簫夜又傳五季逢瓜分三
郎白馬天下聞將軍此時當一面長劍亦與開風雲
歎名異世安足惑身後忠魂猶扞國結興破敵采石
磯陰風慘淡揚靈旂靈旂旖旎一搖眩晴空萬里來
酣戰誰授她萇鐵如意坐麾顧榮白羽扇中興養士

卷二

四

士氣孱此後奇功神所援偏安但恨無良圖山河破
碎魚龍枯渡江泥馬汗流溼惜哉神力徒馳驅將軍
廟食東南地金榜雲書至今賁由來猿鳥畏威神豈
有魑魍不潛避聞說太平興國間佳城字露銅牌斑
玉魚金盃歸何處寶刀駿馬陰來去一醉瓊漿歌大
拓神今肯縱龜鼉驕

鄭雪蕉知州畔煙種瑤草圖 一粒 癸丑

雪蕉先生舊司牧家在鷹山水雲隴稻林猶然公業

田蓬蒿但有子真谷廿年鴻雪留闌中 公宦闌二十
年衙齋皆榜

日鴻看盡榕綠桐花紅忽吟長吉天上曲鄉山夢落

春霞空綺蕊瑤笥從幽討呼龍畔煙秋色老秦城不
賣邵平瓜洛園枉種周文棗為公歌罷元都壇蒼精

欲下松風寒定歸玉虹泉畔住坐茹芝艸青琅玕

泉在
英山

沈秀才煙波第四橋圖 甲寅

松陵森森泝江關釣雪灘頭水幾彎遙看極浦半低

樹行盡春城不見山詠樓花史沈自松陵客四十

家猶挾筭肩雲直過越王臺踏月仍攜謝公履君入

下并州翦一葦如牽甫里艤湖上垂虹卧空碧賣花

卷二

五

日日過人跡酒慢春移少伯祠茶檣暮入元真宅年

來秋雨深鷺脰愁外菰蒲綠波縹可憐白石費才華

曲中過盡松陵路回首煙波第幾橋姜白石句也又有詞云第四橋邊擬共天隨住不覺朱顏

坐凋瘦我亦常經笠澤濱對君煙語益情親問君若

草幾回綠梅柳江邨花待人

全使君木蘭扈 蹕圖

黑風夜捲醫無閭黃雲吹斷狼居胥齊侍郎名南寶綸堂文鈔狼居

胥山當在大同直北度漠為今喀爾喀東路之大山霍去病出代二千餘里與左賢王戰封此山而還是木蘭之山開

河套白塔之西為古狼居胥山誤矣

虎落旃裘百國如鳧翅前期技射出熊館霹靂應手

天顏愉灑陽 啓蹕千騎扈青鳶揭幟前吹笳是時

霜楓塞上赭畫眉嶺名秋染青橫綳萬帳星低大漠關

三關月抱高城孤黃榆葉落白艸枯海東青起千人

呼看公騎出紫騮馬短後之衣纓曼胡搖鞭渡河五

花散飛電入水風蹄虛我 朝地絡巨無外烏兔出

入江河陸林深霧黑虎跡犬射生已轉阿圭圖平沙

不飛海水立白雨一洗青林蕪至阿圭圖遇霖雨山水暴漲歸來

割鮮各命醕碧盃醉倒紅氍毹豪情感此暮綰素青

冥四顧何躊躇陸隨無武肝膽弱安能汗血馳天衢

公今海嶠專城居出擁熊軾張隼旗草間狐兔復何

卷二

六

有輕裘緩帶來于子倚天長劔且挂壁鈴齋多暇拈

吟鬢揚雲更有長楊賦何當共獻承明廬

代題王明府廩吉海運圖

男兒須破萬里浪許國忘軀心始壯憶昔夢蟻喧臺

陽君來捧檄資餽餉白羽談兵碧海東朱旗轉粟青

天上五虎門前泱泱開中流擊楫飛高唱鯨喙齧作

不復知箕伯陽侯兩相抗帆傾艫折更斫桅雖有篙

師安可撈屑焦舌敝經七朝偶得霍霖滿盆盞得非

海外挽天河一洗龍腥秋水漲入險誰知出險難暗

礁劍戟森相向壁如壞木遭斤斫性命鴻毛纔一晌

蒼茫不曉天地心忠信終與幽冥諒
見滄波劈箭來一葉風檣吹五兩
漁舟轉運護軍儲却達隣疆為
陳狀獨蒙

寬詔憫賢勞幸免軍書干奏當是時環海皆安瀾絕
島秋廳息纖纒始從震疊識

皇威乃信懷柔有神相漳南昨日同牽絲百里雷封
需保障已看薦剡列循良豈有微文速官謗即今奔
走覲

天顏定邀

恩遇拜 仙仗瀕行示我經海圖回首風波默惆悵

卷二

七

王郎脫劍休徘徊意氣感激猶跌宕韉鷹肖是離風
塵塞馬何須論得喪留取艱危舊日心閭闔排雲從
此廷

題何小山珽畫照次韻

君家九仙入閩山碧瞳紺髮回童顏榕江荔溪一飛
渡千年丹井留人閒我欲從之斂雲關但鞭赤鯉如
乘鸞青簡未注蓬萊班海上倦倚珊瑚竿稽生素書
故無今蓬球香室徒空還後來小山好羽士畫燈題
封寄相示中有終南入道人夢啓琅函祕綠字自從
却病皈仙真欲揮八極招三辰鴛漿鴻脯不易餌意

蓋自結香火因君身風骨本如玉豈復塵累君厨肉
洞庭岳陽極遊目便想蒲帆飛十幅拍肩洪崖信吾
友坐睨深山變蒼黝醉眠黃鶴雲生胸笑畫丹榴霞
入口道成乞我紫琳腴持謝時人輒揮手

次韻題沈秀才

培和

菊花詩後

平生意態劉師命晚向蓬蒿開將徑主人耽花獨耽
菊澄澹精神淪靈性萬花深谷通客多潛叩花魂花
不應主人疑現花前身微笑拈花證心印元霜日夕
凋華顏寒臥萬秋君獨信酒人款曲恰逢王詩骨清
寒差比孟空爨猶足發幽光傲枝不解悲秋興詠徧

卷二

八

續紛女几山採擷細瑣供餐勝雲濤染翰掃苔戩筆
與花枝爭瘦硬

沈秀才逢春字雲濤

同時華藻飛如雲歎訝五

花門文陣花身未必受人憐直抒蘭言為花贈感君
才地出風塵四十飛騰才一瞬昨來新遇沈東陽禪
榻茶煙花照鬢芬芳持此助彭齡千載相期晚節勁
南靖寓齋數荔用東坡惠州四月十七日詩韻呈桂

林朱小岑

依真

壽盧于湘

金錡

平陵米范陽盧懸河之口能虛枯高談炎午愁內熱
要乞絳雪瓊丹驅晶丸到手三百顆斗覺寒氣侵衣
襦釘座真人擣霜煉玉膚曾度十八瑯琊姝雲山風

雪結太古孤高得地紅塵無偃蹇不入扶荔苑造物
乃遣寄此碧海青天隅淪浥嘉戎固其亞來禽馬乳
真已痛天漿一酌肝膽醒神清骨瑩如弄招涼珠濯
枝雨來淪紫筍船舶風過斟瓊腴忽憶此時越山水
西採江綠歸思何啻秋風鱸二君聞之勿怡悵他日
相思千里當寄香山圖

再次前韻

閩香玉女回清盧

通千霜

不覺春容枯紅雲萬朵出

瑤島火鳳軒煮穎虬驅天風吹下丹霞襦玉煙不暝

冰雪膚婢娟絕代艷娣似差侶黃石梅花姝

江采蘋
生莆田

卷二

九

黃石

傾城傾國今有無白日猶照東南隅吾家阿猗

不可見塵胃未洗顏色巖嶮山甜雪誰坐致母乃遺
自燕景珠左車一觸恐已靡何解吐屬含清腴東南
佳味此未有蓋金膾玉輕江鱸開天飛騎不到此玉
環買笑那可圖

小岑于湘見和嗽荔詩三次前韻為謝

我身局促如蒲盧生涯筠管愁乾枯比年涉世真為
口飢雁每受天風驅高齋消暑鮮單襦烝炊多汗愁
漫膚偶然嗽荔記坡老捧心欲學耶谿姝榻來海上
一事無未免鬻語搽嫩隅輕紅一擘發奇興前唱直

簸糠秕簾報投忽逾四匹錦咳唾迸落雙槃珠同人
頗似高李輩此豈緣我色數腴詩見杜卻怪鯨鮪喻未
稱祇可評品吳淞鱸得君新詩颯然爽灑翰請附端

明圖

小岑再和噉荔詩仍次前韻酬之兼呈于湘二首

先生擲筆猶擲盧憑陵大韶層不枯金槃玉籠供飽

食詎勞千里風塵驅紅裙之醉羅繡襦但飲水藜窮

山膚豈如吾黨方浩浩靈臺如水清而姝歐寮名山二

客眼底無我亦来自芝山隅竟陵設瓜定陵棗文醮

坐使除憂簾赤玉乍捋神島樹朱火疑照明堂珠上

卷二

清沈澀不易得功與人世滌羶腴人生南北異嗜好
王公羊酪張掾鱸要知美在酸鹹外評詩記否司空

圖

詞源闡於成奴盧尺水要索窮魚枯汲新除舊發廢

井怕見三峽奔濤驅又如貧女寒無襦短衣百衲才

掩膚縱煩刻畫恣唐突敢鬪邢尹雙宮姝海山仙人

笑我無苦彫肝腎憑座隅胸中梨棗了未種口上荊

棘嫌猶簾非君腸胃射花日豈稱百琲吞紅珠君不

聞我眉老居士嶺南作宦充鮮腴黃柑綠橘擘白蟹

水槃藿葉攜銀鱸老饕一笑杳千載欲踵大筆誰其

圖

和歐荔詩數日益增鄉物之戀六用前韻

晴谿沸日蒸觚盧棗杏火鑠青條枯風枝露葉丹已
 脫嗟我觸熱猶奔驅感卿贈我當繫襦鏤刻何以寫
 香膚茜裙蕉衫當五月提筐想見楓亭妹釵頭玳瑁
 兮我無未忍綺核堆墻隅我不願調石蜜滑亦不肯
 糝青鹽簾東坡密漬荔支詩
逢鹽久已成枯腊願為卿奴護花樹長似
 白鳥栖三珠回思去歲出京國朱櫻縹李垂紅腴秋
 雲一葉渡江晚微霜破柑玉破鱸水槃此物獨未致
 離鄉風味良難圖

卷二

十一

于湘再和詩有謝女解圍之語七用前韻調之

筆陣兩面當矛盧安得雙管擦生枯犀兕尚多丹漆
 羨釋甲應著麾幢驅我從帳下分袴襦袒背僅得完
 肌膚君胡解圍丐中幘繡旂錦織煩閨妹夫人城高
 得見無渴軍望梅走庭隅橋衣繞圍勢未卻蕉杖起
 舞才何廉將軍大樹猶可援東坡詩序陳文惠公祠
下有手植荔支郡人謂
之將軍樹且復餉此盈箬珠聞君斜灘有茅屋松岡招友
 餐松腴山公謀婦能具酒左公娛客能釣鱸何當竟
 携佳句往范張雞黍期後圖

于湘倒韻索和戲答

六鼇連釣真可圖一竿誰詫四十鱸陳生釣詩亦如
此欲授墨海餐詩腴安知詩城受逆擊轉劍損落乖
龍珠側生旁挺皆得手倒披蓮葯如梓廉我慙爭桃
避席末君猶射蔗環庭隅空卷白戰寸鐵無掩笑難
禁吳宮姝勸君束杠且鮮旆勿誇鬻距傷毛膚天吳
紫鳳坼舊繡盍惜顛倒移衣襦桐禽自挂亦徒苦風
鷁卻退誰為驅但須玉液消腸枯同君花下提壺盧
贈桂林朱小岑布衣 依真 甲寅

羅爵誰能及鸞鵠桂海高人有朱穆父兄文采接風

流

小岑尊人桐莊太守仲兄
秋岑貢士皆以文學名

小年啖唾生珠玉厭聽

卷二

十二

名絃千佛喧耻登試席孤羸伏九芝艸堂雲氣寒招
隱湖山即濠濮平生耽竒語欲竒亦近昌黎亦昌谷
曉風殘月弔屯田寒食餒簫斷仍續千古魂銷江醴
陵艸色斜陽遠天綠小岑工填詞有人聞世傳竒公
綠窓雜剝數種其弔柳一折尤
為南北名
流激賞邇來旗鼓偃中原隨園詞壇善推轂老過

西粵得君詩悵惘青琴未終曲焦尾能令爨下聞苦

心何惜車前鬻

錢唐袁簡齋全州寄小岑詩關心搗
打藥開船際一曲青琴聽未終搗

來遇我漳南天發篋千篇授我讀自言六稔遊閩陬

萬里青山見君獨人生出處感離索自覺夔蛇互憐

速文章有神文有道未肯風懷讓端復但愁人事多

參商接膝連旬期已促平章先輩登選樓商畧名山

甘仰屋

小岑與余縱談古今期異日各刺鄉先輩遺書又欲撰閩川考未逮也

莫嫌短

榻鬢如絲會與咸池髮并沐白鷗浩蕩不可馴側身

天地何踈踞

鄭使君

一崧海天風雪圖

乙卯

仙霞千仞雲歷山重崖飛瀑鳴淙潺漁梁負雪插天

半幾點青露煙中鬢南州暄煥朔氣薄鯁風蚤雨連

群蠻碧翁玉戲偶一笑何有黃竹愁人間嗟公安雅

心靜憫嘯歌不遣詩情刪曩時黃綬入海嶠蕭蕭風

雪侵朱顏孤裘蒙茸貂帽側有如鶴氅時往還褰帷

卷二

十三

想見鹿轂夾叱馭豈憚羊腸艱自從衰謝鬢髮斑敝

車羸馬甘投閒梁園授簡不可遇洛下高卧誰能攀

但傷倚蘭伍薺麥孰惜幽桂遺榛菅崔侯文章駢束

筓猶能忍凍藍田關孟翁顛顛斲荒棘滿身清玉聯

佩環况公歸田拾瑤草鋤芝可莼青虬頑空山獨立

妙悟得欲滌肝膽超塵寰酒闌醉起視明月海天秋

影飛霜鷗

文信國琴歌

丙辰

琴鐏五十六字云松風一榻雨瀟瀟萬里封疆不

寐寡獨坐瑤琴遺世慮君息猶恐壯懷消昔景炎

元年蒙恩遣問召入夜宿青原寺感懷之作譜於
琴中識之文山舊藏何上舍述善家今為李秀才

紹鄴所得青原寺在吉州

文山紫雲不可留文山古琴尚如昨三宮頗憶汪水

雲汪元量以善琴事謝后七客誰論賈秋壑揚維禎七客寮細秋壑琴其一也

看二十八驪珠景炎赴占感懷作公初志欲扶昆侖

見文臨安事業風波惡恨少尚方寶劍斬佞臣又無

博浪神椎殲寇雲獨騰雲和空桑危苦霜月之孤柯

觸挽哀音沈窳寔夜雨青原一榻涼風煙萬里鳴秋

析君恩世慮兩沈吟浮雲柳絮無住著羽換宮移反

掌閒南冠楚奏心回薄一十八拍胡笳聲愁對寒雲

連朔漠見指南錄胡笳曲但惜廣陵一斂絕人間不遺嵇生

頽影揮絃索六陵淚洒冬青花穿雲秘玩俱零落李材

鮮醒語西僧楊璉正伽密掘宋諸陵寢理宗陵得穿雲琴金貓睛為徽龍肝石為軫無乃天荒

地老朱鳥歸猶似華陽之鬼悲漂泊本靈異志前何後李

皆好事向來摩抄收錦囊宜占端州玉帶生二妙並

入芙蓉幕請觀翠綠藉長筵龜紋虵腹梅花錯絃以

園客之水絲徽以鍾山之碧玉王讀如倫焦氏易林桑葉螟蠹衣微如絡

女工不成絲布為玉會須敲碎西臺如意為君歌歌成萬古傷

哀樂

何編修西秦觀海日圖

丁巳

鷺門崆嶷橫滄海南睇丹穴東嶠嶼長波如山薄崖
隳往往星月相蔽虧蓬萊仙人好竒絕夜捫青壁看
晨曦鼉更聲斷羊腴熟燭龍小瞑來何遲石雞詔罷
赤烏班朱殷倒射樾都枝日天八萬二千里一閱再
閱離咸池初如火珠高百丈上抱雲蓋紛焚麗又如
洪鑪鑄地底曙海磨徧青銅肌三壺天際橫一髮金
銀臺曉明金支搏桑萬里搖空綠片片散作千玻璃
欸然水日互春擊玉城雪嶺中崩隕下臨貝闕恍可
瞰水夷出舞騎蛟螭此皆六氣之所鼓決昔已蓋人
肝脾大千浮世一粟耳蜃市變滅無時知曾城不夜
渺天外咄哉誰拜成山祠先生卻寫滄洲趣三年客
遊呼畫師鴻濛蒸氣隘猶溼憑軒聲作雲濤吹酒酣
長舞擲盃起滿座觀者驚睢睢還君此圖獨歎息安
得躡屩相攀追

容成丹井

在福鼎
太姥山

戊午

神仙渺茫誰所譜南荒乃稅容成驂石坪丹臼貯寒
壑天門雲竇開虛嵐黃芽七返煉玉骨差然夜裂清
泉甘至今飛珠洒石壁秋霞洗出碧玉簾山中猿虎
作僮僕恍惚樵牧能追談胡為丹成既餘瀝不及雞

犬隨淮南我聞軒轅立五始蓋天遺製萬象涵七輔

六相神所界三辰八風幽可覃陰陽絕學足不朽漢志

陰陽家容成子十四篇豈假雲液供晨酣真語雲液晨酣洪荒定無弓

狗患何事辟穀逃穹岷又聞荆山命鑄鼎泰一法象

如函三青丘紱府授藻笈赤將黃蓋歸雲菴甯封或

容左徹伍岐伯復與師皇參先生空同藐獨立見列子

谷神不死傳彭聃見列子生憎陰道廿六卷房中邪說

遺之慙漢志房中家容成陰道二十六卷嬴劉方士鼓簧口一一贗

託推青蓋嗟哉三古事冥昧欲辨雲鳥難逢郟徒留

洞天一丹并千秋西嶽供幽探太姥有西嶽之稱

卷二 十六

嶺行憶梅 戊午

昨夜青山睡未足大姑小姑黛蒼感二嶺在浦城漁梁山北悽

然弄雨送行人黯黯楓蘋篔簹竹綠我行着意看青山

煙華遲我詩情慳亟傍寒梅訪消息踏殘野水疎籬

間前日道旁逢一樹今日春光不相遇東君似憫少

陵窮恐亂鄉愁傷歲暮翻思峻阪多風雪花落花開

復誰折多情衰艸護橫斜同恨垂楊館離別山光蕭

瑟暗香消明月水魂何處招東風已綠湖西路十頃

煙波夢六橋

蕭山汪氏雙節母詩汪明府輝祖之母 己未

湘江二女古離別湘竹至今漬啼血江波直下海水
深化作湘湖愁越絕湘湖清且漪可以溫水絲持絲
緼寶瑟大小絃俱悲一彈湘妃怨湖月為遲遲柱折
徽推不成曲萬古傷魂雙寡鵠蕭蕭晨鴻雁乖其行送
毛搏攫來竒鷄天池可枯石可爛同心冰雪難為戕
君看春雨西興岸瑤草成林土亦香

秋風詞為同年宋芷沅湘作

涼颼攪畫堆愁露燕山日瘦天為黔浮埃十丈塞窮
巷閉門秋老無蟬吟木蓮始開壯士卧匣劍冷入青
霜鐔芸華東屋呼小宋擁膝不得披長襟七年京華

卷二

十七

守破壁頗苦兩脚侵風淫習公縱然非病寒那可按
穴無神鍼芷沅方抱脚疾颼颼薄寒中肌理霜中傲菊誰能

禁先生天骨合變化古黃一出萬馬瘖並時名姓逐
龍尾許我山水聽瑤琴世間蛩蝻互憐愛何況星聚

無商叅衆仙抗手群玉府罡風不到蓬萊岑蘭臺詞

客今再見豈復感物嗟蕭森鄖西飛沙穿戰甲英雄

撫髀寒宵深雄耶雌耶忽長笑作賦何足傷秋心玉

河虹影明綠潯城東吹笛紅樓陰黃昏有酒斟復斟

開簾招月來青林

暮秋出廣渠門送同年謝俞男震南歸

薊門木落秋風急，雞鳴送客衣。霜溼蕭蕭燕市絕，酒徒瘦馬悲嘶作人泣。下馬攬君袂，踟躕道傍立。為君

覓離愁，欲語轉嗚咽。半生漂泊風中蓬，千里萬里行

滕空十年計。車五挾筴三試不得趨南宮。君乾隆庚戌癸丑試

禮部報罷乙卯自蜀入都後期嘉慶丙辰滯吳門已未奔父兵曹喪于京師皆不與試去冬同

舟來逆迢建溪渡，篷牕擁帙恣討論。南過杉青渺煙

樹，何意枯魚蠹索衰白衣。徒跣關山暮。戊午冬君至杉青聞計

先入雪後春明重握手，坐我蕭齋前春韭。我旋射策

謁金閨，君乃移家居甕牖。魚相啣沫蛇憐風，致我雲

中使飛走君身處，困能扶人此義高。於華萬阜梁侍

卷二

御汪儀曹謂九山銳齋兩前輩造門徃徃披青袍，歎君鷹隼伏

奇毛決雲何日辭蓬蒿。君今扶襯歸閭里，素旆飄零

白河水。有弟茁穉蘭有妹芳弱，芷葦船九月祇稠寒

任昉諸孤竟如此。我從前月聞戎裝連旬忽忽如有

亡故人，一別成參商。中年衰樂何其傷，使我淚亦不

能墮。歌亦不能長，長天魂逐南鴻翔。化作萬片雲茫茫

茫請君行矣，復邦族人生何須詹尹卜風雨窮廬保

骨肉一瓢樂飢亦清福

送林訓導開瓊出都
丈夫五十不珪組，便學掉頭孔巢父。胡為青衫尚羈

旅春盡山中老芳杜英雄落托緣斗黼婚嫁牽纏小
兒女青氈獨冷守風雨貼足焦原此良苦昨日賣田
作貢禹竭來投牒謁東府安知敗穀有飛盡置風吹
墮青冥羽一斛葡萄少芳醕杜陵男子身肯俯君前
為教
諭左轉訓導今謁選當得縣尹而吏
持文狀責納貲始復秩君遂拂衣去讀君詩卷虹氣
吐每覺春風生肺腑有時抵掌論政譜掃落秕糠十
四五如此長材弃斤斧交親扼腕嗟齟齬先生大笑
了不曉道此猶鷓鴣嚇鼠人生哀樂迭相倚百年一
夢風沙聚王侯螻蟻俱黃土得失一馬焉足數五斗
功名折腰股其伏為鼠飛為虎集鸞安得兮厥伍况

卷二

十九

今雖梁厭鼙鼓縱蝨其間我何補文乃非文武非武
不如汗漫謝朋侶南浮吳越北齊楚江湖五嶽皆宗
主芳草何獨懷故宇知君已抱冬心古我贈君行復
何語君家弟季恢門緒萊蕪廡聲冠計簿謂令弟醇
叔同知
成弟之名扶風魯如君可以鴻鵠舉請起一為渾脫
舞燕山雪花滿軒廡別思濃於送南浦仲宣樓頭買
春醪跋履何門走躑躅廬岳之顛曹溪澗平生談空
得門戶青鞋布襪松花塵雙樹他時求七祖

大興朱尚書南厓夫子梅石觀生圖

庚申

空山煙暝搖飛蘿玉泉吹雪風中過一花一石悉空

色但覺山水同楞伽梵天逆逆乾闥婆中有壽者玉
顏醜坐觀無始淨五眼寶界徑欲登兜羅支提生在
玻瓈柯夢中明月尋磐陀夫子自辯
盤陀居士直疑化身百千
億天荃萬片圍維摩梅耶石耶兩不語寤照已入奢
摩陀生非實生滅非滅豈有我相叅禪那嘗聞淨土
澡六和大地遍覆華雲多耆闍崛上畫五指貝多樹
下摧群魔願師更運龍象力衆生度脫越恒河

座主陽湖劉大夫瀑遊圖

下澤乘車馬少游幼興自悅乃一丘平生夢不到五
岳安知海客談瀛洲吾師家傍蒼江浹江北江南白

卷二

二

雲裏何時乘興寫雲山要期九垓尋若士初遊天上
白玉京高步十二樓五城霓車風馬駐靈瑣瑤宮謁
帝聞吹笙中遊岐海踏煙霧使星夜照珊瑚樹鸞翔
鳳泊來群仙織女蓬萊指征路隼旆西更遊祥柯碧雞
金馬春霞多棘童嬰女出歌舞烏鬢落照回洱河即
今五馬相驅迫無數峯青待行客原知折阪馭王尊
未捨遊山謝公屐且挂水綃素壁閒終須騎鹿破雲
關秋風浩浩天河夕吹墮愁心五湖白

禮烈親王克勒馬歌

國語克勒馬謂棗騮馬阜
青尼駿者汪堯峯有傳

烈王骨性真龍種天馬天生佐神勇肝膽如人貌不

成但見丹青髮稍動其脩丈咫高七尺鱗甲生曾角
生額 國初駕馭皆英雄蹴踏風雲百靈役烏拉葉
赫三韓東王來破竹成奇功明師五日薩爾澗二十
萬衆為沙蟲此馬所向一敵萬出入百戰如游龍自
鉅聖水洗瘡痍夕陽巖液流淙淙萬里歸來沫流赭
錦羈羅忒華軒下忽聞金鼓誤軍聲猶想奔虹天際
行王生爾生死爾死世上孤忠有如此可憐人馬兩
神竒白山草木呼風起邇來隴漢旌旗殷羸駘萬騎
塵埃閒呈精何由降太乙元蹄西踏巴夔山大宛青
海歷無草歲貢豈免參駮駟許脫帛齒金門式願鑄

卷二

二十一

騏驎立九關

讀黃石齋先生自書謁周中丞祠詩

周忠惠公起元
海澄人

辛酉

明綱解紐延熹廟鉤黨毒痛紛矯詔黃芝出地血尚
腥白疏誣天爛重燦君看漳浦哭友詩直代巫陽敏
闡詔胡騰引緋惜淹遲桓典營祠致齋醮一鄉禁火
作龍忌萬里招魂託蠅帛茹花委鬼已灰塵橋頌懷
沙有哀調嗟哉亂領膏斧晚何補沉寃覆盆照北寺
獄開漢亦亡東門眼挂吳可料宮隣金虎迭憂患荆
棘銅駝助悲嘯三疏况勞講愷爭一麾遽罷平臺片

白鷓且莫憐江州朱鳥旋驚歸海嶠春容衣帶絕命
詞後先史何相視笑史忠正可法何忠誠騰蛟鏡石肝腸寄此詩

神物千年護墨妙

仙掌石歌

壬戌

石在廣東學使試院中南漢劉蕤鑿湖通藥洲罰
罪人移太湖靈壁石其中號九曜石仙掌其一也
地志載石刺八分書二事一嘉熙三年己亥上已
九仙野史陳疇少錫泛舟仙湖觀仙掌石摩抄蘇
刺米南宮詩一至正甲申秋東道宣慰使都元帥
姓敦詩誌今石半為榕根所踞米詩不可見嘉慶

卷二

二十二

壬戌孟春予過嶺南得仙掌石刺拓本歌以系之
藥洲洲中數片石猶是太湖落星白當時鞭撻疲萬
夫豈有精靈五丁孽誰歟刺畫仙掌夫大華其形現
咫尺昌華苑廢舞岡殘可惜扶傾此其隻石根下有
南宮詩老榕蟠踞竟奪之雷霆白晝行地底恍惚怒
攫龍之而何時別蘇誌奇觀去聲後元至正前嘉熙江
山蕭瑟千年久天遣山林落吾手海南壯遊良不孤
一幅堆煙弄蒼黥滄桑百變物何常雲泉獨卧誰為
友君不見辭漢金人泣露盤神仙安得如汝壽
贈梅用東坡先生松風亭韻

嘉慶壬戌孟春寓嶺南官齋見群鶯盛開而寒梅獨不發此花孤高絕衆豈有所避而自藏與作是詩論知梅者且為梅解

東風花柳明邛邛羅浮萬蝶拈春魂豈知梅花尚耐
夢耻與桃李爭朝昏蠻風蠻雨鎮飄泊一夜偶落西
齋園海南春氣泄亂早玉肌抱煙不復溫要留芳信
待明月誰索妍笑迎初暎高寒本乖橘踰國孤潔况
忌蘭當門蛾眉絕代防女妒韜華匿豔終無言逝將
別女暫相慰且侑羈客花前尊

白雲謠為陳默齋騎尉

廣甯題畫

卷二

二十三

雲者子弟山父母

語本論衡

離根復合乃其偶悲哉若子

一掬心化作孤雲亦何有雲之來兮大海東陰風慘澹

鬼火紅雲之去兮大江北落月楓青關塞黑江海水

深魂魄阻惟有白雲照四字白雲在天不可呼千里

萬里煙情苦雲亦不行為君罅稽山山下雲歸所回

望松楸泪如雨

君所後父耕菴縣丞殉臺灣難生父岸亭通判率官鳩茲貧幾不能歸葬

圖以此作

陳默齋扁舟黃葉圖

壬戌

去年我渡津門月夾岸楓林綠已脫今年我宿越江
天亭臬疎木搖蘿煙飄飄南北逐瘦蝶行子百感增

悽惻前朝荒寺僧自閒古戍征人猶故關江湖始波
夕陽澹回看風雨滿長安山川如此不歸去黃葉笑
人狎遲暮青山窈窕變霜容轉眼深紅醉楓樹羨君
一權家山邇身在江南圖畫裏默齋桂花已過橋袖
來黃雪茫茫沙瀾瀾萬片齡雲落江水但見煙明一
鷗起君才能武能文章傳船題徧菴苔涼離騷下酒
扣舷唱近代絕調爭崔玉崔不離句黃葉聲多酒不
辭王革句黃葉聲中自著
書皆為新片帆迢迢載秋色背指江綠山蒼蒼安知
人世春夢外更有流水桃花鄉

題錢唐梁曜北玉繩蛻薰後

癸亥

卷二

十四

梁子高門最清白螭飲龍遊潔成癖脫身名利韁鎖
中麝鼠由來謝鷓鴣青細世業傳卿相伯仲山居精
典籍謂大父相國文莊公世
父冲泉侍郎今弟處素往來者舊天下雄抗世駿
陳兆錢允盧文暨孫祖志翟頤槩人未肯讓稷嗣問事
何曾休景伯平生仰屋百萬言文字撐腸五千冊史
通學補談遷疎人表功逾曹馬覈元弼編成綴錢布
誌銘例廣搜金石校字應獲咸陽金所著有史記志
疑古今人表考
元弼畧誌銘廣賜書不誇蕭晉宅宋有為儒淹雅耻
例呂子校補章句詎屑雕蟲門花碧卻看飛藻寶龍文亦復鏤心
搞烏跡蠻犵遨遊簫鼓場隨宦湖山生長水玉魄九

天河漢咳唾落四海風霜鬢鬢積已覺探驪光衆製
胡為委蛻輕一擲先生至樂衆南華滑介支離脫形
役坐觀萬化窮蟻蝶乃出蟻衣與陵寫鼠肝蟲臂子
不知黃輓青甯紛屢易王侯螻蟻同丘墟逐臭虻丸
過駒隙飄然捲殼入雲中仙骨誰能附風翮區區文
章一小技祗糠塵垢安足擇我聞身隱焉用文此意
深砭嗽名客但恐逃名名子隨吉光片羽尤珍惜此
卷長留天地閒耿耿元精照肝鬲若不見復愚文冢
有鬼神貝氣蛟光猶弈弈

唐文粹劉蛻梓州兜率寺
文冢銘序燦如星光如其
氣如蛟
宮之水

卷二

二五

宋高宗中興瑞應圖

甲子

宋高宗中興瑞應圖清河書畫舫以為蕭照作孫
名岐法書各畫錄以為李嵩作圖凡六段弟一段
城門蓋磁州也射兔事無考弟二段飛仙亭射牌
默祝弟三段渡河水合事並見續夷堅志弟四段
甲馬間途無考按宋史汪伯彥傳高宗以康王使
金至磁時金騎充斥嘗有甲馬數百至城下蹤跡
王所在伯彥亟以帛書請王還相躬服橐鞬部兵
迎王於河上疑即其事弟五段夢徽宗賜御袍見
續夷堅志弟六段顯仁后祝棋見揮麈錄

洛下先啼鵲淚赤燕中不報烏頭白君臣相率拜龍
沙故國塵汙天水碧立康讖見非人謀九哥天遣留
磁州蠟詔旋開元帥府水軍兼造江淮舟宗李甯慚
將相略苗劉轉肆兵戈虐建炎初政誤汪黃坐縱楚
齊棄京雒箕尾歸天不可招秦頭壓日漸生奸漣水
軍還和議定風波獄上老奸驕寬扈祖背忠誰察莫
問淮西十五札艱難豈不識平原謠詠終須死明月
嗚乎興廢皆光堯當時瑞應安足恥渡江劣得驅涖
馬挽弩何曾射海潮最憐半臂傳書署環佩東風塞
花墮空留紫纈憶摩敦不見青衣返懷愍夢裡御袍

卷二

二十六

誰賜之黃羅更卜九宮棋庸知一局終輕擲難免長
安似弈悲志荒已罷巡江衆郡國禎符競來送靈芝
文木九穗未紹興雅與中興頌崇虛飾誕由人生日
食可賀海可清昏朝瑞應固如此奚怪王氣興秦城
裁觀此圖獨心鄙手跡未遑辨蕭李滄桑百變物偶
存譚入宣和定何似

卿雲萬態石歌和何相文兵部

南鈺
石在熱河

卿雲萬態良嶽石生自江湖走淮浙玉葉墮地山自
開錦川吹波煙不滅不刺政和聖濟經不為端禮黨
人碣胡然焚府厭神霄飛落黃沙泣燕雪大觀君臣

矜智慧延福宮觀紛施設御前工作門淫竒神運貼
功修光烈黃楊薜荔百禡胎彩鷁舳諸道截題封
黃帕健卒奪供奉青華民屋撒金芝壽岳增瑞符璧
月球星等恢譎強效唐雲歌紉縵俯隨朱蔡爭媚說
朝廷雖小聲焰張州郡已破脂膏竭太學諸生靈諷
諫青溪劇賊先芽檠被蒼生物為瘡痍此石非祥乃
禘蟹暮年縱罷西城租下殿難回北狩轍八寶九鼎
俱沉淪賸水殘山暗嗚咽此石曾歸王府秘何年獨
立灤河子邊城初月牛羊卧塞艸衰秋苔蘚裂銀河
錦杼罷支機瓊島仙霞隔危岳長嶽石西苑
尚有存者直同周

卷二

鼓亡國俘猶漬秦鞭舊時血古來萬事幻雲煙咄哉
一峯空嶺嶼毀壁沉珠聖所戒雨淋火燎今誰屑行
人駐馬指斜陽一片韓陵不堪說

癸酉

藤花吟館詩為梁蒞林儀曹作章鉅

藤花有屋在

帝鄉居者芝麓朱周黃吾鄉亦傳米友後以蒼名集
詩琅琅侯官許不棄有
紫藤花菴詩鈔風流猶為樹夢惜艸木自與
人輝光百年勝韻已銷歇接跡乃見江田梁儀曹族
系在長
樂江君家太僕温且良後先金馬三鸞翔君州父九
山太僕後
田兄曼雲編脩與君
先後並登詞垣籍咸覽舉得門內君尤藻筆騰文

昌晉安風雅今誰張堂堂吟社招壺觴坐中健者雁

門薩檀河游形直侍御陳秋坪同知尊宿駮兩襄其餘魚雅各

矯矯余亦追逐趨雞坊不知杏館開西莊但聞蕭齋

呼青揚幽齋蘭竹文容幄架棚藟蔓三尋長繚垣滴

青細雨滑疏窠搖紫春風香詩成長嘯酒亦狂簾前

落花雲半牀翠紅翦刺未足貴徑欲霞想凌扶桑看

君尚友登三唐東南嶠外羅文章君頃輯閩中唐集為東南嶠外詩文

鈔山川香艸千古在彼何人裁繡蕙纏吾儕努力崇

令德久久芝室無渝芳

姜受菴二我圖 祝齡

卷二

女媧搏土紛微塵我生萬變知何人鼠肝蟲臂隨造

化羊尾雞足難為神墨子經說羊一半尾二此即公孫龍白馬之說也莊子雞三足

謂兩足形也一足神也百年形後流光駛昨非何必殊今是富

貴空嗟春夢婆鬢蒼誰認方山子此身不二衆綠空

此心月印千潭同蘧蘧蝴蝶忘蒙叟一一梅花見放

翁

朱笥河學士題張進士明三谷梨精舍詩墨跡丁丑

笥河居士神仙伯掄文岐海甘棠澤倡提古學煥昌

黎文字流傳抵金壁門生載酒餞軺車一唱驪駒感

疇昔谷梨精舍遺墨存天半虬螭鬥雲素醉翁好士

出天真十載一樽戀魂魄公詩有醉翁雖醉客信佳十載一尊付天壤古人所

到魂魄戀等句鸞情鳳想屬霄漢哀樂猶餘雪鴻跡三百三

十三士亭遺愛千秋託貞石况逢舊雨慰別離俛仰

湖山煙水碧卅年桃李半凋零聞笛悽斷山陽客帳

亭霞褥待公歸何日重来停杖屐公詩落句云有日重来憩屐杖公嘗

夢武夷君虛左以待諾以十年後至見公弟南厓相國詩集

少谷山人遺墨歌為望坡巡撫賦

毅皇昔日臨寰宇孽倖紛紛進聚橋山東群盜如蝟

毛轉掠河淮震畿輔少谷山人獨歎憤時憂國如

三閭遲清亭築金鼇下拂袖歸來卧艸廬禮曹再起

卷二 二十九

尤忠讜切諫南巡被廷杖捲懷疏艸返初衣直節高

風天下壯請從論世誦公詩誰道呻吟殊拾遺公詩

豈徒得杜骨千秋忠愛真吾師遺墨流傳罕經目滿

紙煙霞忽驚矚交游離合藹深情揮罷冕豪悵然讀

轉憶山中金粟臺以下皆隱括詩冊中語夫容冷落秋江哀東

峯花明蘿薜綠高歌滄海長風來貧女吟甘饘粥淡

淹戍良人邊覺憾况嗟夏日時雨愆更愴朔州陣雲

暗篇終自志在庚辰正德末年久隱淪江湖尚緬宏

治化許身稷契非其倫晉安風雅聲能夏上掩林高

啓曹謝須知浩氣留兩闌不獨文章盛光價吾家節

使忻得之鳳毛麟角同珎竒於戲神物不磨滅聞風
頑懦資扶持

題畫黃溪夢

日月輒無停軫萬物馬紛馳騁有為法皆泡影王侯
尊等螻蛄浮雲變嗟同盡大千界一夢境天外風吹
不醒回先生來導引華胥游漆園寢歛然覺萬緣屏
黃梁炊猶在鼎悟并沈失忻憫五十年杳一頃黃庭
經手所秉金丹訣心所領渡迷津叩元牝來者誰亟
猛省君不見邯鄲枕

唐陶山按察松巨圖

仲冕

庚辰

卷二

三十

飛蘿陰磴搖春煙浮雲翠壁高攬天幽花輭艸青芊
芊但聽萬壑松風扇蒼髯三客來翩翩道人夜夢相

周旋

謂潘榕
臬太翁

平生良契公房賢不約已陟神山巔空

嵐溼翠撲衣褰石古路細鳴紅泉松間回頭飛鳥翻
舉袂直拍洪厓肩遙指危亭擗蕙樓水甌啜茗臨風
前迥然乘躋丹丘仙天台石橋手可蹇不爾入定真
如禪黃山天目蒼龍纏妙悟無始能通卒非因非想
空生緣異境恍惚華胥眠握手一笑三千年使君後
凋身比豎雲霄勲業垂青編鐘鼎山林清福全元禮
謾謾天下傳世間屈曲無由牽神官提挈媿維聯青

鸞白鳳隨宮鞭湖南山水清且妍夔龍上壑邀彭錢
它時息壤想復然廿年詩夢應重圓

李陽水般若臺篆歌

在烏石山
華嚴巖

辛巳

海邦文獻肇永嘉羸劉金石遺荒遐石室仙書既茫

昧魁崎古籀空塵沙

永福六洞仙山石室有古篆十
字見集古錄福州鼓山里魁崎

有石橫亘五十餘丈
刻籀文其上不可識

貞元石塔下邳墓窳窳唐蹟初

萌芽焉知華嚴幾千仞天半風雨騰龍蛇

貞元十五年
无垢淨光

塔銘在神光寺大中九年下邳郡林夫人墓志乾隆
甲午吾師孟考功始得於西關外將軍山今在府

學此山作鎮越城鍵李貢造臺少温篆古人作事垂

萬齡字大如梓挂危巘架梯百丈苦難攀神物撫呵

卷三

三十一

敲礪免釵頭鼎足力萬夫至今玉筍留型典忽思薛
老彼何人敢持瓦釜隣胡榷風雷黑夜倒鏡峯無乃
山靈適違舛吾聞李監究許書欲鑄六經稊魯魚丞
相中郎丈人行豐豐束束譏猶踈城隍謙卦三墳記

妙蹟翻摹開鑿異世人不見金滕圖孰辨差謔衆俗

李少監篆傳於世者縉雲城隍廟記蕪湖謙卦西
字安三墳記拙先塋記皆後來翻刻或重開鑿也疑

篆法多雜俗書不知其非真跡也張僧繇金豈如茲
滕圖有陽水跋非石刻可及見庚子銷夏記

刻真雄竒華嵩岌岌龍泉披

見宣和書譜
惜哉天下寶四

絕配此惟有軒轅祠

天下輿地碑記般若臺篆與慶
州新驛記縉雲城隍記麗水志

歸臺世稱四絕案今存者獨般若臺
與仙都山黃帝祠宇四大字為真蹟君家家世傳文

學祀梓碧璿皆卓犖倉頡後身更不疑延陵遺法應

從朔少温見嶧山碑與延陵季子碣而得法見宣和書譜曾稽書譜冠宣和詎

屑隸徒鬥程邈上天何止瑞唐家但與平原擅連珏

顏魯公書碑必得陽水題額始稱連璧可憐水去後千年誰使元輿歸

掌握見舒元輿王筠篆志冶南天未喪斯文留重名山匹喬嶽

翰墨香

黃石齋先生圃中荔枝也先生既誕圃中石旁茁荔一株十年生實三百六十五枚味甘色潤其香

如墨故名每歲實如前數及先生鄉薦捷南宮入翰林俱倍之先生卒樹亦枯見省志引陳鼎荔支譜

銅山攬天高崑硯巨海雲濤涵黻鬣石齋先生生于漳州銅山之深

卷二

三十二

井炎荒精氣孕神靈草木曰人猶瓌璋黃公攬撥如

靈均談甜金斧來神人洪思黃子年譜子生之夜父青原公夢有執金斧擁神人

而至于先生續騷云始龍夢彼乾精兮鏗鏘其若鎧選嶮岬而談甜兮旋盤礴於臍內謂此也復聞

赤石隆霄夢陳鼎荔支譜先生圃中有赤石長數丈大數圍毋夫人夢石隆而先生生故號

曰石齋石旁荔子偕生春翰墨名香天下寶花實周天

通易道華采曾同忠獻榕方輿勝覽韓國華為泉州守生魏公時治前榕樹悉

花楨祥孰數科名艸命世文章老更奇忠貞未委資

撐持美人侘傺樹蘭怨故國蒼涼未黍悲絕憐人日

梅花帳石齋逸詩有新安人日新安觀敵帳梅花四首瑶枝零落斜陽唱詩

又有初至白下見玉梅盛開陰然留示諸子四首末云天沃東風那得知尋常野草自瑤枝浩歌一曲開

君眼會有斜心傷薇蕨罷登臨汗出聲風默惆悵洞
陽零落時記聲風木武帝以枝福賜群臣海山仙子魂歸來死具
若有疾則此木汗將死則折

生義不離根黃骨隨赤命驕文圖應逐醍醐上帝臺

陳鼎荔支譜萬麻初螺女江南甘果山產荔名玉帶
東佳人噉十顆輒酪酏如中酒又名醜醜荔神廟崩
此荔數百株俱稿死又同安文圃山產荔名赤命符
皮有綠文如符篆狀國初樹結一荔有文三字曰
清受平生畫松喜奇崛先生文集有畫天下七
松記及釣臺畫松記惜不

濡毫寫尤物千秋想像賴虬姿空薦黃蕉拜朱紱

題王林明秋山行旅圖奉吳荷屋藩伯用卷中程春

海學士恩澤韻 丁亥

落葉空山沒行跡松陰漠漠漢風吹石野橋流水澌人

卷三 三十三

衣無數山雲履谿碧此閒風景阿誰知祇恐憂顛不

能畫山樵筆妙偶得之神仙清賞開瓊扉游戲丹青

君亦為潘伯嘗仿此招余指點畫中詩騎驢荷擔各

向背撲面一一秋巒奇使君昨念高堂老四牡懷歸

馳傳蚤陽孝尊忠慰襟花萬里驟馳捷乘踏涼風持

節薊門秋細雨褰幃汶陽道潘伯去歲假歸定省仲
秋還朝即銜命藩

及之亂山鬻鬻趨楓嶺旌旆斜陽澹人影萬林紅樹

送長亭幾處茅檐晚烟冷榻來榕海狎蛟鼉幾忘松

石戀滄波忽橫秋色西窓下猶夢千峯醉如赭

韓芸舫巡撫龍湫宴坐圖

雁蕩之奇世莫傳其最乃在雙龍湫何年尊者此卓

錫九天翻倒銀河流大千一息八十返笑視天地同

浮漚惜哉水波真諦絕宗鏡錄如水入波頓教一色法無非真理所收道人

一去三千秋公身得非金粟化名山宗主重來遊憶

昔樓船正橫海手持英蕩綏東甌永嘉著屐豈閒暇

脩羅雨兵森劔矛蛟螭踏魚鼈竄自歸佛鉢杖長

蚪波旬爪翻禪窟避賢劫弓仗恆河投勅龍取水大

雲覆天瓢下注數閭浮鬱單粳稻足朝暮瞿摩衆食

無停留神功靜斂若無覺湛然不動心悠悠此時宴

坐觀自在玉龍飛雪千巖幽波濤萬變無住相煙霧

卷二

漠漠風颼颼回思貝多樹下席須臾喧寂知何由塵

勞煩惱生大地虛空能護山河周悄然作圖示解脫

神明澡練三摩修祇今為霖澤南國辟擲沙界還齊

州澄思足可鎮鶯俗依然嘯傲凌滄洲君不聞蒼生

安穩是佛理要法何必詢波瑠本木患經

題沈夢塘東越脩書圖學淵

生不作散仙方外鞭鸞鳳日仰屋梁著書亦何用豈

如棲遲海上三神山擲筆天池恣吟弄南荒開國古

無諸地志山經充棟儲建安舊寫卿奴記禹穴新紉

宛委書八俊同時才輻湊滿堂豪翰鏘文圃共請圖

經訂摯雲終須準望詢裴秀琉璃闕鳳麟洲七年重
作汗漫遊松蘿喜遇東諸侯鬥茶壁荔文醮洽醉倒
夾漈之宅儀卿樓我亦從君參几硯衰茶焉堪克論
薦衛贛徒存越絕編圈稱難緝陳留傳回憶紅梨庭
院春花開翠簾銀燭脩書來甯知斑鬢松陰下顛顛
青山染麝煤

題吳西林贊府赤嵌從軍圖 廷棟

夢遊一擲班生筆東指樽桑看日出樓船夜渡漣娑
洋絕島蛟鼉聳驅叱幕府親臨撫悍僮鬥螞戰蟻空
焚燠紅毛城闊旌旗肅白玉山萬華亭消王粲從戎

卷二

三十五

經幾月枚臯馳檄常時發譚笑曾吟蠻府魚衣裳莫
怪衆軍鷗即今海外靜風濤回首營門廁掾曹忼慨
誰磨首洛盾勲名應贈呂虔刀

送姚石甫令君入都即題其心清消息圖後

石甫令君海內奇士也伉爽闊達論天下事慷慨
有大志文詞跌宕曠逸如其人蓋令君承累世文
獻孺染家學而又負異人之姿故所造如此未壯
成進士宰吾閩龍溪移臺灣威慶並施有善績然
嘗呈吏議免既而以獲盜復官又為吏所持丁母
憂歸人事迹邈而所養益邃令君之明乎消長詘

申之道久矣今天下人才少衰然憂杰未嘗不聞
出苟得如今君等百輩參錯司牧其間何患民俗
不更化吏治不古若執令君頃服闋將謁選謂余
不可無贈言余山林人也焉有所計議裨令君然
令君交余近十年氣誼相孚於其行也心拳拳不
能捨迺即其所屬心清消息圖識而歸之心清消
息者其友方植之贈詩合用後周蘇綽傳語而
令君取之以為圖也

生未三爻夢吞易誰向仲翔究消息十言與眇豈終
靈用九乾元見天則紛紜萬物流六虛所恃寸心能

卷二

識職卓哉姚君鳴密琴自以易理為官箴陰陽升降
合變化動靜盈虛貞古令漳南摘伏銷兵闕海外綏
來歸馭控但令桑楹信懷鴉何必鷹鷂不如鳳君才
良玉切昆吾君懷朗月懸方壺神明通矣物情徹天
人之道探元珠一善揚箝似任昉交余亦契青霞想
久從敬禮託論文况復浚儀思畫像十年蘭芷兩情
并一日驪駒百感縈送君高步陟閭闔宣室方看召
賈生豹變龍伸時已動勿勞卦卜問君平

楊雪茶比部金陵策蹇圖 道光壬辰

長隄綠柳臺城路落日烏啼白門樹遙指煙波江上

愁幾片風帆桃葉渡騷人偶作秣陵行驢背尋詩
思清蔣侯祠畔花爭發孫楚樓前酒細傾射策金門
繼通籍郎署從容楊執戟馬蹄日逐軟紅疲回憶江
南繪塵迹朱雀橋桁幕府山烏衣門巷長干陌邀笛
曾臨溪水青雨花仍否絳臺碧去年江漲溢秦淮鴻
雁嗷鳴雜罷鼃吾鄉藩伯新綏輯謂林少穆河帥舊秋莅藩宣水賑灾
事依舊親人魚鳥來期君它日持旌琬吟鞭重抵雞
籠宇無事青山嘅六朝但向婁湖訊風雨

宋元豐東嶽蓮盆歌

福州東城外東嶽行宮建於五代閩三山志所謂

卷二

三十七

東華宮泰山廟也宋大中祥符間寔廣其制庭中
故有蓮盆四分寔東西廡下自頸以下周圍為師
子蟠花甚精其二後毀其二亦間有綻裂以夾黏
之實以泥坐以方石故不壞以宋三司布帛尺校
之圍徑三尺二寸六分脣銘云懷安縣感應鄉西
安里弟子鄭德與室中林三十一娘捨蓮盆入東
嶽永充供養元豐元年正月初一日題案銘元字作九元豐
止八年歲次乙丑明年元祐改元矣今云歲次戊
午為元豐元年無疑審西廡下盆銘作元無誤殆
字形相近久自來金石家所未著錄宋元郡志亦
未收也非金石而能久留吁亦異矣余見之亟以

巨紙擲得數幅於是人間始有墨本因裝潢而為之歌

元豐元年正月朔懷安有客題東嶽鄭德偕林卅一孃捨此蓮盆比雙珎旒人埏埴一何工異獸竒花勝鐫珠位寘妥帖娛明神照耀中庭映棖楠園徑量容三尺餘繞肩銘字森芒角祥符宮觀雖更移王氏仍留金殿倬三山志淳化四年裴詢福州東華宮泰山廟記王氏既滅斯帥治民玉宇恢廓金殿崢嶸乞福人多紙錢飛雪祭神客散竹葉成池陰司之部從克全地府之曹僚畢備然則廟中神鬼像設自宋初已然而殿朝廷方罷鬻祠錢此間丹雘紛彫斷享祀虔恭踰四方神之所祐宜豐渥放翁祈雨本

卷二

三十八

為民

渭南文集有福州昭利東嶽廟祈雨文

想見靈風動帷幄西安里

民亦盥乎韋布家風猶愿慤豈緣佞媚祈福祥祇供

幽冥資拔濯東郊五月芙蓉開綠水紅雲動灑潯居

然筐筥荐蘋繁奚事蓬萊採花葯貽留到今七百年

其二僅存免摧剝非石非金能自壽得非神力陰持

握三山梁志舊未收墨妙從教付孫覺我初見之喜

欲狂文字况裨稽古學縱遜坡翁雪浪竒終殊杜老

田家樸世間萬物誰瓦全甌岳瓶罍徒齷齪

竹莊歸釣圖為丹崖臬使題

鳳來

豪杰行藏天定命鐘鼎山林並天性但能邱壑養夔

龍何有衣冠媿嚴鄭使君家世珥金貂列戟名門鳴
玉鑣蚤識俊才厲鷹隼誰無高意向漁樵往時荆郢
江隄毀陪奉重臣出臨視從茲川址與湖南露冕褰
帷照春水竭移海嶠旌花開繡衣持節肅風雷臺陽
徼外爭蝸角籌筆戎機鷺鳥來風濤瀕洞移情速不
待聽終海中曲忽思泉石竹莊幽釣磯豫訂鷗鳧宿
萬竿寒玉森青阪半畝晴漪漲平晚苦憶桃花春鰕
肥馬知蕪菜秋鱸晚為報蒼生倚謝公漫吟獨樂洛
園中且竢岱雲霖雨徧角巾徒步溪橋東

長歌送沈夢塘還寶山癸巳五月

卷二

三十九

煙林積雨花冥冥垂楊綠黯溪橋亭婁江有客告我
別我淚欲迸愁霖傾問君南歸何太遽君言百緒懸
家庭慈親衰白缺陝養倚閭寄語心怛怛前年人稊
失子敬壯歲婚嫁牽向平去冬江南苦雨雪入春寒
氣多陰暝蘇松幾無三日霽宿麥浥爛呼癸庚江址
春花不及播亦因積水畦間停洪湖水誌逾丈六下
河開壩虞妨畊雖煩大吏急撫賑鄉江詎免蛟魚腥
無田亦關桑梓病何如返斂蓬茅局我嗟君行豈得
已人生自昔傷飄萍八年遊蹤歷嶺嶠五載書局同
齋廳君才健如嘯風虎君飲豪如吸海鯨天懷仗朗

屬霄漢喜與膠漆心蘭馨君年宜抱用世志待時濟
物驅風霆蹉跎歲月駒過隙豈樂晦迹鷗鳧汀蕩花
風發水驛遠吳淞漾碧搖輕舲雞鳴高堂奉棗栗烏
語軒榭斟醪醑西得諸侯棹三仰謂少穆侍郎撫吳仙翰傾
倒新宮銘嚴徐東馬各擅妙願君蚤步承明廷東華
回首憶老拙虛拈秃管親燈檠良朋一別幾再聚吾
已六十踰三齡安得四方上下逐雲龍韓孟無離形
且盡濁醪雙耳聾鸚鵡盃綠荷筍青無須獨共三閭
醒高詩兀傲凌滄溟

絳跼草堂詩集卷三

福州陳壽祺葦仁

五言近體詩

春雨

簾外雀梳翎絲絲春雨冥溼煙低水白踈葉滴檐青
風色侵虛幌山光罨畫屏數聲歌嘯合遙答護花鈴

冬日

朔氣深山郭霜晨霽色殊滄波翻白日野燒蕩青蕪
海濶魚龍瞑天寒鴈鷺孤可憐窮島外飢卒荷戈爰

暮

卷三

衰草南州路長河起暮風煙歸千嶂紫日脫半城紅
樹影迷天外潮聲走海東孤雲獨何向只是繞征鴻
題烏程徐秀才閩遊草二首

莫過楓亭驛秋江落日斜西風蝴蝶老夢斷刺桐花

聞道茗溪客青衫入酒家海天愁渺渺吟徹斗邊槎

宋劉昌言泉州人落第詩云惟有夜來蝴蝶夢翩翩飛入刺桐花見青箱雜記卷六

萬里毘耶國三壺紫翠浮黑風吹海立何處木蘭舟
鷹隼依人倦蛟龍傍客遊滄浪君有曲回首水雲秋

黃田早行

鷓枕何曾睡灘聲一夜添霜消茅店曙雨洗桂巖秋

驛樹明津岸沙禽下柁樓平生惜風景未倦長卿遊
延平旅宿

明翠樓頭月高城伏枕初社燈春鼓急邗火夜春疎
風物連千里鄉心繫尺書誰能倚長劔更宿斗牛墟
沈秀才看雲圖 已酉

之子雪灘客門前湖水流濤聲不受雨雲氣半崩樓
深谷起何處碧空無盡秋捲簾間對酒明月又滄洲
出塞曲

草淺月蕭蕭行沙萬馬驕劔水青海裂旌雪白山搖
征戍愁驅雁兒童慣射鵝莫令麟閣畫祇數漢嫖姚

卷三

二

自南靖返漳州同人以詩問訊次答

甲寅

問我雙谿去何由託短篇荔雲燒火樹梅雨漬蠻煙
物色偏銷夏交遊可判年因君話離合松月為人圓
南歸途次呈邱丈如衡二首 乙卯

萬里怨芳草拂衣歸卧雲湖山留片石風雨感斯文
大阮殘篇在 謂君林父素堂 南陔舊句聞肯教三畝宅松蘿

媿陶君

余幼愛荷製夢飛江上舟江花幾開落江水自東流

今日車馬倦故山猿鳥秋因憐濬冲少早預竹林遊

從邱丈如衡乞湧泉寺飯焦

欲就青精飯空愁大藥資不嫌食埃墨最惜助心脾
鉢憶如來賜沙從佛子披一囊如可覓留取乞陳遺
事本孝子傳亦見南史

無錫阻舟 戊午

烏榜寒風外江停百丈牽遠天京口樹殘雪廣陵船
萬事空囊劔全家待鼎饘途窮如可轉咫尺任迤邐
題鮑覺生同年詩卷後 桂星 己未

萬樹黃山曲高歌俯大荒江湖夢吳越煙月失齊梁
已製葡萄錦還栽薜荔裳千春感芳草把酒酌沅湘

辛酉假歸留別都中諸君子三首 辛酉

卷三 三

落葉滿燕薊白雲遙在山吾廬畏風雨昨夢戀刀環
水澗江湖阻霜寒燕雀踰陔華終日誦莫俟鬢毛斑
小草知何益浮雲總易迷荆巫尚逢蠹天地幾蟲雞
短劔臨宵看虛舟信水栖鱸魚歸已後慚負好風西
扶桑東復東煙海碧濛濛尊酒故人別滄洲明月同
群公各雄翰客子且歸蓬天壤存知已無為惜避鴻

海幢寺 壬戌

捨瓦留初地 寺有碑記平南王鼎建及舒妃捨綠瓦事 傳衣有祖燈 謂天然阿
字兩師此 昏驕空佞佛草昧易藏僧問落江潮大鐘
寺鼻祖也 飛海氣澄南宗一勺水誰此證三乘

錢金粟林 弟西臆話雨圖

癸亥

不聽連牀雨馬知心骨驚江湖翻別淚天地咽秋聲
中歲傷哀樂來因種弟兄京華姜被在難話夢歸情
華明府 瑞璜 北山旅舍圖

坐我寶雲院樓臺即畫圖諸山青欲笑一樹碧如無
所居德生菴庭前銀杏一株數百年物也 隱吏辭元亮詩僧訪大蘇自廬
煙水次夜夜夢江湖

河間道中大風雨

甲子

狂飈蕩平野燕趙失青青蒼雲壞暈天黑沙驚驅雨黃
神靈定何意咫尺此相羊萬里

卷三

四

王程急昏鴉又一鄉

夜赴彭城

馬首接明月蒼茫何處邗荒山爭亂石微徑走中原
天劃青徐小雲歸梁楚昏時平桴鼓息煙火見彭門
東林寺

下馬綠楊外鐘聲落野亭雲來九江白山入六朝青
蓮界誰開社松枝罷講經唯留虎溪水攪夢到禪局

聖駕東巡

盛京祇謁

祖陵禮成恭紀

五言律詩三十首

載 皇清文穎續編

乙丑

時邁遵

家法

天行位始東升封三古陋

適孝萬靈通肇祀源

邵室那居僚

鎬宮所勤堂構大非復慕歌風

肅慎留都壯賢閣王氣濃神臬拓元菟絕漠控黃龍

杭稻雲帆轉金湯地戶重由來天左海萬水此朝宗

右二

帝繫徵朱果高山作舊邦生商符駝鳥出震應龍駝

卷三

五

雲氏易震為駝見周易音義

稽古功熙亮開天道駮扈姬宗湖沮

漆未足匹三江

右三

練日剛柔協皮圭告

襴儀

齋車扶月御仙仗肅星施負劔千官扈鳴鞘萬騎麾

如繩周道直就日指東曉

右四

吉行移萬幕秋豫過郊圻鳳蓋含風細龍沙灑雨微

尋詩津樹合

省稼隴禾肥輦路紆

清蹕

皇情總勅樂 右五

大凌觀牧馬萬里散雲渠
天地無征戰江河有網陸
上都秋草外鹽澤雪花初
何事求宛種西來記執徐
右六

列衛宗潢集諸蕃瑞節趨
山河接松杏者舊話於榆
冠帶依光邇屏垣守道孚
十年群望

幸今日慶嵩呼 右七

巖關關外外疊道柳河西
野入青營濶天圍紫塞低
鳴鈴出雲巘飛旆拂霞梯
眺盡檀車壘青青短草齊
右八

卷三

六

北鎮修縣殿

皇輿夙左輦珣琪九府冠
雲雨百神諧望秩嬰毛薦

祠宮吉玉霏

長白山松花江諸所皆遺官祠

敷天袞對頌

景命仰柔懷 右九

劍寫橋山古

興京拱

帝臺群靈避風雨太始造
雲雷董野徂岐定松楹陟

景開神榆基

啓運天與萬齡裁 右十

天柱鬱嶙峋經綸草昧屯
并臨先自葛涉渭遂居龜

象鳥高原守蕭脂

饗殿裡

曾孫撫筵几親把

玉衣新右十一

石馬

昭陵下飛騰涿鹿軍白魚登景祚青犢靖妖氛疇範

遵

文命盤盂拜

放勳烏蹄留珥服尚繞鼎湖雲右十二

司勳論配食

卷三

開國有仁息日月孤忠照山河百戰尊艱難酬麥飯

爵賞繼蕭孫

上賜酹元勳量擢後裔視漢元狩中詔封蕭何曾孫異數有加

熊羆旅臨風感九原右十三

往者斯干美

陪京峙

紫壇直從營雜後重紹作豐觀乾隆戊戌復修郊壇故

事供金版

來祗聽玉鑾遙知

宣室坐元德契乾端右十四

天神尊泰一禮次四圭班九部麾旄始元正定鼎還

太祖征九部告於
堂子
盛京制同
世祖

定鼎建祀
京師每歲正旦禮焉
種宗文近古錫羨瑞如山百代甘泉館蒼茫五時開
右十五

太室璇題綯

宗宮寶冊聯守祧嚴禮事掌祝告幽全

世德是驚繼

神功象勺宣萬方瞻

孝治疇敢忽瓜綿
右十六

負屨尊

龍袞鳴球奏象箭珪璋同禹會帝鳥想艷朝

卷三

八

綸紙螭頭下香煙雉尾飄轉思綿絕舊幾度問庭燎
右十七

叨廉革蒿義嘉賓衍酒肴鈞天洞庭樂湛露外饗元

忠厚歌敦葦

君宗憶酌匏願從諸故老十日駐雲旂
右十八

剛聞

丹鳳詔恩渥溱春膏司士加名數行人致米牢開從

水衡府暖到羽林袍十二天閑馬騰驥亦飽槽
右十九

遼海東西路黃雲一夕過星辰空貫索鼠雀豁置羅

魚鑰微風動雞竿卓日摩自從元氣浹萬族不昏瘥

右二十

况復南陽里寬租十萬家雞豚散叢杜鴻雁聚平沙
雲雨秋無草霜畦晚有瓜進將春盎盎歌吹入邊笳
右二十一

養老推東序

盛京耆民年七十以上

賓賢擴上庠詔增

奉天府屬

秋時鳩杖授天屬虎闈張

宗室鄉會試自嘉慶辛酉始

子弟風雲奮黃農日月長

宸游多浴福佳氣鬱鬱

神鄉右二十二

釋奠

卷三

九

文皇始丕謨啓

盛京宮牆先北面丹漆此西行

太宗初建度文廟行釋奠禮度

閣圖書富

謂文淵閣

升堂俎豆清石渠方論道不必訪

襄城右二十三

蒿宮新

步輦巖翼緬前型楓影分

三殿槐班接十亭

崇政頤和迪光為三殿茅茨大政殿左右列十亭

茅茨

當日儉臺沿至今靈丹獲非崇飾吾

皇凜紹庭右二十四

省俗皇過外南岡鞞珠升霞綉猶士女

國俗以蓬梗為鞞搏棟

和膏塗之黷以
代燭謂之霞縵
鈕自高曾
兒童習射以榆柳為弓
曰斐闌荆蒿為箭曰鈕
勸淳樸山川古謳歌酒醴登銀編繙綠字舊史示雲
仍右二十五

聖廟垂衣日蒼然望故邱習祥

三駕禮追遠萬年謀下武皆

神括

先皇懋作求加勞前軌踐霜露幾春秋右二十六

聖孝當

潛邸曾從拜

穀林扶輪

卷三

十

天馭遠

問寢日朝欽

夢錫恩無極仔肩道在今昭執

文祖格

神保洽

堯心右二十七

十稔規成則

珠邱又駐驂盛傳雲蓋覆

親薦露華甘燕翼羹牆慕

龍顏父老諳低回桑梓敬悽愴向煙嵐右二十八

金芝還朔蔔申禮

五陵巖甲帳風霆護

辰旂道路瞻秋高藏黍稌星出炳鈞鈴回首

蒼梧野雲深萬笏尖

右二十九

告至升華殿衣冠拱絳繆紫庭鸞自舞丹籙雀能銜
一德追來孝主靈感至誠上儀書太史億載勒珉域
右三十

題唐子畏自書詩後

丙寅

夢墨亭何在飄零短札寒才華狂易損身世醉難寬
白首悲張枯青山葬伯鸞莫題秋士感更泣落花殘

卷三

十一

子畏有落花詩三十首

徐直生御史艾陵春泛圖二首

寅亮

丁卯

湖水撥人綠扁舟夢一涯茶煙然澗竹鶴語落山花
昨者秋霖降鄉心海樹遮頗聞江漲甚半徒白鷗家
謂乙丑江漲

青海飛書夜黃河築障秋群才輸賈筆萬里帶吳鉤

驄馬今何駐江湖不可求桃花門外水愁煞艾陵舟

君嘗西使青海南視徐州決河

衛輝簡王儕嶠太守

蘇

丁卯

古柳朝歌道高城落日斜秋禾紅上犢野菜綠翻鴉

淳俗安同并仙才簡放衙向來經國事未肯付詩家

先生自言近

不暇作詩

衛輝驛館聽王儕嶠前輩夜話奉簡短句

忼慨論時事安知冰炭非鳳雞羞共竅蕭檄忌充幃

骨冷功名薄官貧道義肥檄聞初服在先檢老萊衣

羅蓮舫巡道教射圖

正嶠

丁卯

躍馬雄心在良方付子孫衣冠希矍相軻免憶劉昆

報國勲名遠傳家禮樂尊知君求義的文武屬高門

送費西壩給事副使琉球

錫章

丹詔通窮髮黃門奉賜衣聲明踰日本鎮撫帶霜

卷三

士

威不識波濤險何論雨雪霏灰邊風自信鉞定渡如

飛海若朝星使

天書護水 斐蠻宮拜圭 辟番船卻

珠璣故事注

舟次

周山繼家山 吳越歸君看 蘭矢外橋

柱有光輝

奉和翁覃溪學士蒙賜三品銜重預鹿鳴宴紀

息迷懷之作二首

垂白逢昭典賓筵預禮賢 文星持世古卿月被恩

偏物望承明上詩心正始前憑誰編小錄重報大羅

天

僕指登科記功名幾輩完 朝廷重耆宿文獻見衣

冠傳益流風遠同袍故老殘香山思白傅空日酒杯

寬

謂朱文正公詩
集中五老會事

題法梧門庶子玉延秋館圖三首

式善

玉延譜豫別名
戊辰

清絕梧門館鋤煙綠不收盤餐皆道味亭榭亦風流

春草何曾歇杜冬心獨好修離騷蘭菊外畫出滿畦

秋

昔日宛菴老園亭近市街詩名繼前輩宦隱傍西涯

容滿樽餘酒官貧馬作齋人聞煙火氣曾否到荆柴

聞道燕南北年來澤雁飢種遲春緯未炊少雪翻匙

此物餽糧助宦食雨露私因懷野芹獻不必羨躑鴟

卷三

十三

題潘伯臨刑部雪天歸棹圖即送還嶺南二首

正亨

草罷雲亭筆歸心忽憶親直將燕地雪吹送大江春

斷岸無魚賣孤篷有鷺巡瑤花千萬里天遣餞詩人

少弟文章貴

謂林恒
貞士

公車犯雪來煙波一相值風雨

兩為催坐久添爐火花輕入酒杯憑將江上畫說與

故園梅

題亡友張臬文愁霖賦後次鮑侍讀覺生韻

秋士悲風雨能搖萬古心無端雲海立何處鬼神吟

天地愁張協陰陽問李尋甯知夢君路楓月亂山深

趙象菴菊隱中書圖

庚午

大隱隱鸞閣況將花署銜山林落吾手霜雨染朝衫
秋老人逾澹官貧酒尚饒柴桑微辟絕可要乞芝函
鄭松谷郡守屬補題白華潔膳圖二首 鵬程 癸酉

已罷我蒿句丹青只此心淚餘羊棗味哀勝犒桑吟
豈敢忘封鮓何知戀食苓陵華依舊白持以報幽陰
我亦思將母凌波歎噬魴力難勤稷黍心久戰膏梁
小隱宜南澗春暉在北堂不愁無米負松菊即餽糧
惠安崇武里節烈魏陳氏詩 甲戌

少嫁黔婁去如何失所天挂枝哀孔雀銜恨化鳴蟬
破甑無殘息窮泉盡百年由來芳烈氣不燼是灰煙
卷三 十四

贈孝廉方正謝文發川曠

藁羞清修在高懷邈屬雲宮曾辭 鳳詔人自乞羊
裾隱跡今巖鄭交情世紀群向來直率會感慨憶先

芬先生於壽祺為三世交每見輒道及先人氣誼故有未句

宦化施烈婦十一姑詩 丙子

勁艸孤芳在寧爭桃李花青陵見高行形管出農家
意託諸姑履哀摧七日鬢婦于歸甫踰兩月殆夫卒後之七日先期以外家製
履編遺親弟示永訣也自今儕十烈風義播金沙乾隆中縣以烈著者九人

得施 而十 光澤張烈婦詩

少小通文史生耽誦柏舟豈知冰雪性竟拆鳳鸞儔
伏黠宜存後廬江自起謳從容同穴義白日照潛幽
旌表山右孝義楊氏詩

汾水含靈淋盈川得楷樓陝蘭華總潔墓柏泪曾枯
倚轂來丹雉巢門有赤烏已旌扶老國應補孝經圖
寤寐春暉側交親古道中分甘過陸瑁行義慕承宮
肝膽今誰向風雲變不窮如君綿舊德庶與雀環同
見雪寄姪人

昨夜離亭夢隨風到畫闌瑤臺同小立翠袖不禁寒
鬢影圍花瘦簾波捲絮殘曉來驚積素猶作玉人看

卷三

十五

清源雜詩十六首

辛巳

自誓西山慕衡門歲月悠一簞飢亦樂萬卷老忘憂

世態防戕口官銜免責頭

道光建元蒙
加四級請授奉政大夫

恩以無田

應更好筆未即詒謀

遲暮供多病丘樊養不才遂初孫綽志屯危趙嘉哀

辛苦持門戶甘馨采隴陝皇天慈一物肯悔卧蒿萊

十稔清源長多慙遜不肥僧同退院冷祿較奉祠微

未學難膚受羸親忍鞭違丁甯夕葵外無米亦來歸

昔日將軍野園林有

賜碑

講院為靖海
侯施氏別墅

池亭更畫

棟橫舍下書帷轉烏穿花急浮條暖藻遲悠然觀物

悟隨意隱烏皮

忽報斑枝樹即木綿花新開滿眼花深春分宿火薄暝亂

飛霞衣被三秋實文章萬文華赤萍空產楚何處託

根芽

一代先賢傳儒林姓氏尊宮牆分俎豆衿佩薦蘋蘩

禮殿修高朕鬢山憶霍原吾衰無一補數學在前言

丙子余於清源增祀泉之先儒張襄惠蔡文莊以下八先生配食徽國勸置祭產因替春秋

千載泉山俗蠹爭劇可傷潁川求教化王吉最循良

謂王雲榭郡守 翬翬先民法侁侁弟子行鄰封聞杜母亦復

理膠庠仙游杜明府結祁新葺縣書院厚其廩餼亦數十年所未見也

卷三

六

賢宰資操割新傳鄧與姚武平今鄧君傳安惠安令姚君觀但能指

害馬何惡徒鳴鼎澹泊追呼靜寬平岸微消治南風

氣敵一為洗浮囂

萬騎元戎鎮營肅鶴鵝世家燕名真大將李思摩

許國名臣事同仇壯士歌還遼西邸讌花月數經

過謂成都公許提戎

比郡愁炊玉磬鳴接海瀕尺符催鷁首萬斛轉鯨魚

頃以糴貴激運臺灣米餒 擾攘瘡痍鉅徵輸廩庫貧如何致康阜

民物盡還淳

每憶孫賓石平叔潘伯干旌下問來未能師杜密終不媿

澹臺故舊窺東閣功名屬上台願將郇黍雨膏徧海

山隈惟轉匪題校寶之不表五然平林似燕之是

桑梓詢名士存亡幾歎吁十年耆舊盡千載晤言孤

冠佩乖初服糟醕棄道腴眼看樹椒盛蘭芷竟荒蕪

萬禩 神明祚派虹 景命鍾 堯年悲語鶴

姬易應 飛龍賢路風雲駛 仁言典誥宗此生唯

拊缶長復頌黃農

門祚嗟哀薄遷宗幾葉單高曾比松柏余曾祖年八十太父八十

一子弟異芝蘭已料慙朱勃何由責阿端吾家忠信

寶不為博衣冠

卷三

南海三千里尚書有尺書座主儀真公門牆半寮窠故舊

總旄旗同年康蘭皋巡撫在碧山藩伯皆在嶺南欲赴平原飲難分温嶠

裾龍門不可見雲樹渺愁予儀真公嘗招遊嶺南

才盡丘靈鞠心夷蕭大園何須畢婚嫁孰為砭愚頑

陶冶詩篇廢飛騰客鬢斑幽蟲偶吟露所得是清閒

吳荷屋都轉松盤攬勝圖

一覽無齊魯蒼蒼低色寒千尋開日觀萬嶂折松盤

風起濤吟海雲封翠溼欄那知九節杖仙客信鞭鸞

為吳都轉題錢舛寶山水卷送孫平舛巡撫之安徽

白嶽三吳勝青山小謝詩千重盪雲海萬翠迓旌旗

讀畫看前輩為靈濟 感時蒼生倚安石丘壑漫相

期

陶舫後集詩為馮笏輯賦

問訊青楊巷春林發幾枝鶯花三月老風雨十年遲

金石評前輩煙霞付小詩主人烏亦好還往每無期

故舊懷人日 陳秋坪同知鄭松谷郡守昔與同輩聯吟今墓艸已宿矣 州閣聚

德星黃壚曾感喟白社又門庭旗鼓論詞伯風騷乞

古靈青山詩思好不必上空舲

奉訓仰山侍郎使閩見贈兼示近作次韻

蓬萊有文筆妙欲到毫顛宦味渾如水詩心半雜仙

卷三

十六

飢寒憂蔀屋莖秣就芝田襟抱誰同此清風吉甫賢

冰雪聰明絕雲煙吐納來平原能相士 公戊子典江南試得人為

盛子羨最憐才霜露煩持節江山助舉杯衰庸蒙齒

及敢託 玉清陪

喜敦甫尚書使閩相見有作次仰山侍郎詩韻

卅載心交地蓬山最上顛南宮憶風月東觀揖神仙

元圃資良弼 為上書房總師傅 黃庭葆寸田 公悅道 薪傳師

法在霖雨溯前賢 謂朱文正公師

一別何遼闊星軺天上来股肱 明命賦清直大臣

才贈好慙瓊玖成書謝玉杯何緣林下叟鸞鳳許追

陪

喜晤汪貞甫郎中從

天使來闈次仰山侍郎韻贈

之銘謙

海嶠煙霞暖春風曉未顛梅花逢驛使星斗駐槎仙
灼灼京師李堂堂殿上田繡衣從直指淋漓問慕僚
賢

南海重回首傳燈兩紀來承明遲後席省署屬高才
榕影看寒憶樹花想獻杯殷勤將母意四牡暫參陪

貞甫老母在
京思慕殊切

卷三

十九



[Faint bleed-through text from the reverse side of the page, including characters like '卷三', '十九', and '天對來闈']

